

# عذالة 9

## كبرياء الكاف

أدب ساخر



د. منى حارس





## رواية

« عدلات وحرامي اللحاف »

« رواية كوميدية باللهجة مصرية »

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا



إسم الكتاب: عدلات وحرامي اللحاف  
إسم المؤلف: د. منى حارس محمد  
التنسيق والإخراج الداخلي: حسين الحماقي  
تصميم الغلاف:  
التصحيح اللغوي:  
رقم الإيداع: 2017 /  
الترقيم الدولي: ٩٩ - ٩٩ - 6595 - 977 - 978 ISBN:

الطبعة الأولى  
2017



العنوان : 1 ش الصادق عيش -

احمد عصمت - عين شمس

facebook: ??????????????????

E-mail: Hosalamha@gmail.cim

المدير العام: محمد البديوي

01282638552

جميع الحقوق محفوظة ل الراوى للنشر والتوزيع ولا يجوز باى  
صورة أقتباس أو إعادة طبع، أو نشر في اى صورة كانت ورقية  
أو اليكترونية، أو في وسيلة سمعية أو بصرية إلا بأذن كتابى  
مسبق من الدار وإلا تعرض للمساءلة القانونية

محفوظ  
جميع الحقوق

للمزيد من الروايات والكتب الحصرية  
انضموا لجروب ساحر الكتب

sa7eralkutub.com

او زيارة موقعنا





لتحويلك إلى الجروب أضغط هنا



لتحويلك إلى الموقع أضغط هنا

للمزيد من الروايات والكتب الحصرية  
انضموا لجروب ساحر الكتب

[sa7eralkutub.com](http://sa7eralkutub.com)

او زيارة موقعنا





للمزيد من الروايات والكتب الحصرية  
انضموا لجروب ساهر الكتب

[sa7eralkutub.com](http://sa7eralkutub.com)

او زيارة موقعنا



رواية  
**عدلات وحرامي اللحاف**  
رواية كوميدية باللهجة المصرية

بقلم  
د. منى حارس محمد

## إهداء

إلى كل إنسان يستخسر ويخاف من استعمال الأشياء الغالية لديه...  
خوفاً عليها من الخدش، من الكسر، من التلف، من أي شيء...  
عزيزي، عزيزتي، أهديك وأهديك تلك الرواية...  
إهداء:

إلى أعزائي القراء الذين دومًا يشجعونني ويعجبهم ما يخطه قلمي...  
ويقدمون لي يد لعون فشكر لكم جميعًا...  
وإهداء خاص جدًا:

إلى عائلتي؛ عائلة سين:  
(سرين - سلسبيل - ساجد) أطفالي الأعزاء وأغلى ما عندي  
بالكون؛ أتمنى لكم السعادة.  
وإلى صديقتي الغالية ورفيقة دربي منذ الصغر وأول من قرأت  
الرواية وأعجبتها  
وأعجبها التغيير والخروج من قالب الرعب، والكتابة في نوع  
جديد وهو الكوميدي الاجتماعي.  
إلى صديقتي:

(إيمان يحيى السعدني) وطفلتها الأعزاء حبيبتا قلبي (مريم،  
ملك) أتمنى لكم السعادة.







## المقدمة

إن كنت أو كنتِ من الشخصيات التي لا تحب استعمال أشياءها وتكنزها في المنزل لأجلٍ غير مسمى، ولا يحبون من أحد الاقتراب منها أو لمسها وكأنها منطقة عسكرية محظورة. فممنوع الاقتراب منها أو التصوير، فستصدمك الرواية وربما أصابتك بأزمةٍ قلبيةٍ فأنصحك بالابتعاد. من البداية..

فهناك العديد من الناس يشترون الأشياء ويخافون أن يستخدمونها أو حتى يلمسونها خوفاً من خدشها، أو تلفها فتجد مثلاً (النيش) في منازلهم تحفة فنية مليئة بالأسرار الحربية وأسرار الكون المقدسة

و(شوار) العروس الذي كلف الأب الكثير من آلاف الجنيهات وربما الاقتراض من الأصدقاء والأقارب والجيران ولا يضر إن جلس في منتصف الشارع يمد يده (بحسنة قليلة تمنع بلاوي كثيرة)

من أجل أن يجهز ابنته بأغلى الأشياء، فتجد (الشوار) والمفارش والتحف مرصوص بالدولاب أو فوقه







أحد، ولن تفعل العروس كما فعلت (منال) بل ستستخدم كل شيء وتتمتع به فلقد تعلمت الدرس فماذا أخذت (منال) معها إلى الآخرة سوى عملها، فلم تأخذ شيئاً آخر.

لا صيني أو مفروشات أو تحف أو حتى نجف، لقد تركت كل شيء لغيرها ليعتصم به بعد أن حرمت نفسها ومن حولها من التمتع بما تملك.

وربما حدثت مصيبة كبرى كاحتراق المنزل الذي تعيش فيه؛ وقتها ستأكل النار كل شيء أو سقوط العقار الذي تسكن فيه ودمار وضياح كل شيء، فماذا ستفعل وقتها...؟؟!!

فنصيحتي؛ تمتع بما تملك يداك وعش حياتك واستمتع بها وبما لديك، فالعمر فاني والجسد فاني.

وستظل الأشياء كما هي لن تفنى، بل سترحل أنت وسيستمتع بأشياءك غيرك التي عشت حياتك تحافظ عليها ولم تجرؤ يوماً على لمسها..

مع تحياتي

د. منى حارس محمد





## حرامي حارة النبراشي

في أحد الحارات الشعبية البسيطة؛ حيث البيوت القصيرة المتلاصقة التي لا يتجاوز ارتفاعها الثلاث أدوار وبعض الأطفال يلعبون الكرة وبعضهم يلعب (البلي) في ذلك الشارع الضيق كرية الرائحة وسيدة مسنة تجلس وبجوارها بعض الأقفاص عليها بعض الخضروات، وفتاة تقف في الشارع لترفع الملابس من على الحبال وتضعها بذلك (السبت) البلاستيك وسيدة أخرى تلقي بدلو الماء القذر في الشارع إنها ( حارة النبراشي )...

وفي احد بيوتها القديمة البالية؛ تسكن بطلتنا عدلات وزوجها (الأسطى حنفي) (السباك) وابتتهما الوحيدة (نوسة) التي لم تتجاوز الثامنة عشرة من عمرها؛ حاصلة على دبلوم تجارة..

تبدأ أحداث الرواية بصرخة عالية تردد صداها في شوارع الحارة الضيقة؛ ليسمعها كل من يمر بنهاية الحارة أو يجلس في منزله يحتسي كوباً من الشاي الساخن أو يأكل بطيخاً بملابسه الداخلية،





فالبیوت متلاصقة وليس هناك هواء نقيًا للتنفس..

حتى أنه يمكنك مد يدك من شرفتك الضيقة؛ لتلتقط ما تريده من منزل جارك ..

كانت الصرخة صادرة من منزل (الأسطى حنفي السباك) بالدور الأرضي في أول منزل بالحارة...

كانت زوجته (عدلات) زعيمة الحارة وكبيرتها ومؤسسة أهم جمعية بالحارة تصرخ بغضب قائلة:

- (يا لهوووووى حرامي يا ناس ألحقوني، الحقيني يا أم فاروق الحقوني يا خلق ياهو حرامي هيموتني ....)

وهنا تجمع أهالي (حارة النبراشي) على صراخ (عدلات) ...  
وأمام منزلها؛ وقفت النساء يتنصتن ويستمعن إلى الصراخ  
المتواصل لعدلات، وهنا أسرع أم فاروق

لتجلب يد الهون النحاسية من منزلها، وهي تسمع صراخ جارتها  
من داخل المنزل تستغيث بيها :

- (يا لهو وووووووى و كمان بتسرقني يا راجل الحقوني يا ناس حرامي .... هيموتنى ...)

وبعد أن تجمعت معظم سيدات الحارة الأقوياء أمام المنزل ( أم فاروق، وأم حسين، ونحمده، وفكيهة بائعة الخضار

وَأُمُّ شَوْشُو) كَانَتْ جَمِيعَهُنَّ ضَخَامُ الْحَجَمِ يَرْتَدِينَ (الْعَبَايَاتِ)  
السُّودَاءُ وَيُغْطِينَ رُؤُوسَهُنَّ بِمَنَادِيلِ سُودَاءٍ، وَهُنَا صَرَخْنَ بِصَوْتِ

واحدٍ وعالٍ:

- ”امسكيه يا عدلات ومتخافيش.. احنا جايين حبل الغسيل وهنكتفه ونربطه بيه“
- ”بس انتى امسكيهولنا يا ام نوسة كويس وجمدي قلبك دا حته حرامي ..
- دا إحنا ستات حارة النبراشي .. لا حرامي يهمنا ولا فتوة يقدر يقرب منا“
- وبعدها أخذن يضربن الباب بعنف وهن يولولن ويصرخن، فقالت (فكيهه الخضرية):
- ”فتحي يا عدلات.. افتحي بسرعة وهتيهولنا ياختي.. دا وقع في إيد من لا يرحم.. حرامي يسرق حارة النبراشي يالهووي دانت نهارك أسود من قرن الخروب.. جالك الموت يا تارك الصلاة....“
- وهنا ردت أم إمام بغضب:
- ”دا أكيد الواد حرامي البط بتاع امبارح.. دا لسه سارق منى دكر البط المسكوفي من العشة امبارح ، افتحي يا عدلات بسرعة إوعى تموتيه يا اختي غير لما يرجعلي دكر البط الأول وبعدين خلصي عليه.. دا تمن البطاية وصل ١٥٠ جنيه“
- وبعدها أخذت السيدات يصرخن بغضب، ويولولن ويدفعن الباب بقوة على شقة (عدلات) وكاد الباب



أن يحطم تحت ضغط إيديهن القوية، وهنا تساءلت (أم شوشو)  
بصوتٍ غليظ:

”يا أختي افتحي بقى.. او مال فين أبو نوسه يا عدلات ..“  
وردت عليها أخرى (أم حسين):

”أكيد في الورشة.. روح يا واد يا إمام انده عليه بسرعة وقوله  
يلحقنا قبل الحرامي ميخلص على خلتك عدلات“ وهنا ركض  
الطفل ذو العشرة أعوام مسرعاً، وهو يقول:  
”حاضر فريره.. بس اوعوا تموتوا الحرامي من غير ماشوفه يا  
خالتي“

\*\*\*



## في داخل شقه (الأسطى حنفي)

كانت (عدلات) زوجته تقف في غرفة نومها بجسدها البدين وشعرها المنكوش خلف ظهرها؛ تمسك زوجها (الأسطى حنفي السباك) من جلبابه وهي تصرخ بغضب:

• ”فضحتنا يا حنفي ولميت علينا الحارة.. ارتحت ياخوي دلوقتي؟“

وهنا رد (حنفي) بغضبٍ حتى انتفخت أوردته غضبًا، وهو يحاول الإبعاد عنها ويمسك بيده فوطة وبعض الملابس:

• ”أنا يا عدلات اللي عمال أصرخ وأقول حرامي زي المجانين.. روعي يا شيخه منك لله فضحتنا ولميتي علينا أهل الحتة يا مخبولة..“

وهنا ردت عليه بغضب:

• ليه مش انت السبب ياخوي.. داخل تتسحب وماشي على طرايف صوابك وبتفتح دولابي ليه

• يا حنفي عايز تسرقني يا حنفي وتضيع مستقبلي وهيتي وسط الحارة..؟!





ولا انا غلطانه؟

(الدراية) هي مفرش سرير يقوم المنجد بتنجيده مثله مثل  
اللحاف القطن ويصنع من القماش الستان  
وكانت عادة قديمة للعرائس منذ زمن.. لا بد من تنجيد (اللحاف  
والدراية) فلم يكن هناك المفروشات الجاهزة  
كما اليوم وكان (اللحاف والدراية) من شروط الزواج قديمًا  
وربما فشلت زيجات بسببهم.

• ”لحاف ايه ودراية ايه يا عدلات.. دول بقالهم فوق العشرين  
سنه مرونين في الدولاب دي العته زمنها أكلتهم  
يا ولية يا مفترية وانتي بتستخسري تفرشيهم على السرير ولا  
حتى نتغطي بيهم يا ظالمة.“ وهنا ضرب كفًا بكف، ثم زفر بغضب  
وبعدها أكمل:

• روعي منك لله يا عدلات فضحتيني وسط الحارة.. هقول ايه  
للناس دلوقتي؟؟!!

\*\*\*\*





منكسر الباب يا ام نوسة ..

وبعدها أخذن يصرخن ويولولن بصوت واحد:

- يا لهووووووى يا عدلات يالهووووووى مكنش يومك يا شابه.

\*\*\*

وهنا سمع (حنفي) صراخهن وكلامهن من داخل الشقة، فصرخ في وجه زوجته بغیظ:

- ”كدة يا عدلات فضحتيني وسط الحتة.. روعي يا شيخه ربنا ينتقم منك هقول للناس إيه بس؟.. لا حول

ولا قوة الا بالله“ وهنا ثارت عليه بغضب وبصوت عالٍ قائلة:

- أنت السبب يا حنفي في اللي إحنا فيه دا.. طول عمرك طمعان في شواري اللحاف الستان والدرايه الحمراء.. طول عمرك ومن أول يوم جوازنا وإنت عينك عليهم يا خويا وخلتني أشك فيك.. هتنكريا حنفي فاكر يوم فرحنا واللي عملته يا حنفي؟...  
• ”انا يا عدلات طمعان في شوارك؟“ وهنا نظر إلى اللحاف

الستان الأحمر

بأحد الأرفف بالدولاب وعاد (حنفي) بذاكرته إلى ذلك اليوم...

يوم زفافه بزوجه .....

\*\*\*





## منذ أكثر من عشرين عامًا ويوم زفاف (حنفي وعدلات)

كان (حنفي) يرتدي بدلة سوداء وترتدي (عدلات) ثوب زفافٍ أبيض وتقف بجوار السرير الذي فرش عليه الداربية (المفرش) الحمراء و(اللحاف) الأحمر

فنظر لهما حنفي بإعجابٍ وهيام، فكان منظرهما رائعًا على السرير، وتذكر كيف كانت أمه (نبوية المفترية) ....

تجعله ينام على الأرض وهي تقول له:

• ”الأرض تقضي على العتة وتخرج الرطوبة من الجثة“ وعندما يعترض بأن ظهره يؤلمه:

• بس ظهري بيوجعني يا أمي.. خليني انام على الكنبه انهارده.  
ترد (نبوية) عليه قائلة:

• ”الكنبة تكسر الظهر وتجيب رطوبة في العظم“

وهنا هز (حنفي) رأسه؛ ليبعد كل تلك الذكريات السيئة عن ذهنه، فاليوم هو يوم زفافه ولكنه

لم يستطع أن يقاوم، فهو لم ينم على سرير من سنين، فترك زوجته ولم ينظر لها أو يلتفت لما تقول:



- "احضر لك العشا يا سي حنفي." ولكنه لم يرد؛ بل احتضن (اللحاف) الأحمر ثم قفز على السرير ثم غط في نوم عميق، فهذا يوم مميز لن يتكرر وربما كان يحلم، سرير مريح و(لحاف) قطن نام حنفي كالقتيل تاركاً زوجته يوم زفافه، وهنا وقفت (عدلات) تضرب كفاً بكف:
- "الراجل اللحاف الأحمر لحس مخه.. طيب يا حنفي أنا هوريك." ومن يومها ولم يلمس (حنفي) اللحاف الأحمر مرة أخرى، فلقد وضعت زوجته بالدولاب ومنعته من لمسها عشرين عاماً وهو بمكانه لم يستطع أن يقترب منه أحد، وكأنه سلاح فتاك سينفجر في وجه حامله؛ هز (حنفي) رأسه ليبعد عنه تلك الذكريات ثم قال بغیظ:
- انتی لسه فاكرة يا مفتریه يام قلب اسود ..
- وهو دا يوم يتنسي يا حنفي.. بقى تسبني ليله الفرح علشان اللحاف الأحمر
- يوووه انتي مش هتنسي ابدًا.. طيب يا عدلات.. انا هوريكي وهشترى لحاف فيبر وابقى وريني هتتغطي بيه أزاي يا مفترية يا ظالمة.
- بتحلف عليا يا حنفي؟ طيب إيه رأيك إنى هستغطي باللحاف



الفيبر وانت فى الشغل ..

- ”والله يا عدلات لانا أخده معايا فى الورشة وهستغلى بيه.. أنا هربيكى يا عدلات.“ وهنا أسرع (حنفي) يركض من أمام زوجته (عدلات) وفتح باب الشقة بغضبٍ وهو يتوعد زوجته بأنه سيذهب لشراء (اللحاف) الفيبر الأحمر، ولن تلمسه حتى تموت ولكنه لم يلحق أن يفعل أي شيء فمجرد أن فتح الباب اندفعت النسوة بكل ما أوتين من قوة كالتتار لضرب الرجل بجميع الأسلحة بأيديهن بالمقشة وبيد الهون النحاسية والعصي... حتى الأطفال أخذوا يلقونه بالحجارة ...

طخخخخ طو خخخخخخخخخخ تكككككك... ايسيسيسيس  
صرخت أم فاروق:

- أنت اللي سرقت ذكر البط بتاع أم إمام.. والله مهسيبك غير لما تجيبه.

وهنا أسرع (عدلات) تركض من غرفة النوم لتنقذ (حنفي) من بين أيديهن القاتلة، ولكن بعد فوات الأوان فلم يتحمل جسد (حنفي) الرفيع كـ(خلة الأسنان) كل تلك الأسلحة الموجهة إليه، فخارت قواه وسقط على الأرض أمام زحف التتار.. بعد أن فتحت دماغه وكسرت يده وسال الدم غزيرًا من جبهته كثيرًا.



- وهنا صرخت (عدلات) بغضبٍ وبصوتٍ عالٍ في وجوههن:
- ”كفايه يا ستات كفايه.. دا جوزي حنفي ابو العيال يا حبيبي يا حنفي مكنش يومك ياخويا هعمل إيه من بعدك يا حنفي؟ يا لهووي.“ وأخذت (عدلات) تصرخ بفرعٍ وتولول ...
  - وهنا قام (حنفي) والدم يغرق وجهه من على الأرض، ثم قال لها بغیظ:
  - ”ابقي اتغطي باللحاف والدرابيه الحمراء يا عدلات.“ ثم نهض (حنفي) وهو لا يستطيع أن يتحرك يتسند على الجدران خرج من الشقة بالكاد محاولاً اختراق كل تلك النسوة، وهو يقول:
  - بردو هشتري اللحاف الفير الأحمر يا عدلات.. ايوة هشتريه وهتشوفي يا مفترية منك لله ومش هتلمسيه لغاية ما اموت او تموتي وتریحيني... اه يا راسي ..
  - ذهب (حنفي) إلى المستوصف الخيري بنهاية الحارة وهو لا يستطيع السير على قدميه والدماء تتساقط من جبهته المفتوحة وثيابه غارقة بالدماء، وتطوع أحد الجيران لإيصاله ومساعدته وهناك وجد الممرضة (فاتن) الحكيمة ...
  - فأسرعت تحاول أن تسنده ليجلس في غرفة الجراحة قائلة:
  - مالك يا عم حنفي؟.. خير انت خبطك اتوبيس ولا إيه ..؟
  - وهنا رد (الأسطى حنفي) بغیظٍ وهو يتأوه:

- لا يا ست فاتن خبطنى بلدوزر... ااااااااااااااااااااةةةة يا رأسى
- "معلش يا عم حنفى.. دا كويس انك لسه عايش لغاية دلوقتي."
- وبعدها قامت (فاتن) بخياطة جرح (حنفى) وربط جراحه بعد تنظيفها، ولفت رأسه برباط عريض، وطلبت منه التغيير على الجرح كل يوم...
- وهنا قال (حنفى) بصوتٍ ضعيف:
- شكرًا يا ست فاتن شكرًا.. بس معلش عايز أسألك عن حاجه كدة ولا مؤاخذه..
- ردت (فاتن) بتعجب:
- قول يا عم حنفى اتفضل ..
- انا عايز اشترى لحاف فيبر لونه احمر.
- وهنا ضحكت (فاتن) وهى تردد:
- لحاف فيبر ليه يا عم حنفى.. انت هتشور بنتك نوسه ولا ايه؟؟؟
- نوسة.... نوسة مين وزفت مين؟؟؟ أنا عايز اللحاف لي اتغطى وادفئ بيه من البرد يا ست فاتن.
- وهنا ضحكت (فاتن):
- ليك يا عم حنفى.. واشمعنا احمر يعنى انت هتجوز على الست عدلات ولا ايه؟
- ما هو انا لازم اجيبه احمر واغيظ عدلات مراتي.. احمر يعنى  
احمر





## الكبيرة فتكات

في بيت (عدلات) كانت جميع نسوة (حارة النبراشي) يجتمعن في منزل السيدة (عدلات) يرتدين الأسود ويلفن فوق رؤوسهن طرْحًا سوداء ويصرخن ويولولن بصوت عالٍ، وكأنه عزاء وجنازة أحدهم.

كانت جميع السيدات بـ (حارة النبراشي) مجتمعين تقريبًا، كان يتحدثن عما حدث ..

وتساءلت (أم شوشو):

إيه اللي حصل يا عدلات يا اختي .. هو صحيح جوزك هيشترى لحاف فيبر احمر يا ادي العيبه.

دا بدل ما يشور البت نوسه على آخر الزمن ها يتغطى باللحاف الفير الاحمر يا لهووي .

وردت (أم إمام) بغضب:

لا... لا يا عدلات الكلام دا يا حبيتي مينفعش .. دانا زكى جوزي امبارح جه يقلي انه ها يشتري لحاف فيبر بامبي .. لو يا اختي مطلعتش اللحاف الستان يستغطى بيه وفرشله الدرابيه البمبي على





احنا شعارنا (الست الفتوة تتشال في القلب من جوه)  
وهنا ردت (عدلات) وهي تنظر إلى عيونهن بتحفظ:  
أنا قررت ونفذت يا ستات.. بعث اجيب الكبيرة من النجع أمي  
الست فتكات.

وهنا صرخن جميعاً بصوتٍ واحد:  
يا لهوووووووو حرام عليكى يا عدلات.. بعثى تجيبي  
الكبيرة ليه بس دى بتيجى تينما من المغرب يا حتى ومحدث بيقدّر  
عليها وبتحرم العيال تلعب فى الشارع..  
يا لهوووووو ليه كدة بس يا عدلات ملقتيش غير الكبيرة  
فتكات يا مصيبتى...

وهنا صرخت (عدلات) في وجوههن بغضب:  
ايه يا ستات عايزين جوزى يشتري اللحاف الفير وأعد اتفرج  
عليه ولا إيه عايزين ستات حارة الغزول تشمت فيا ولا ايه؟؟ انا  
عدلات اكبر مؤسسى حارة النبراشي وجمعية (الست الفتوة تتشال  
في القلب من جوه) متكلمي يا ام إمام وانتي يا فكيهه ساكتة ليه ولا  
كلامي دلوقتي ملوش عوزة؟؟  
وهنا ردت (أم حسين) بضيق:  
عندك حق يا (عدلات) لازم جوزك يتربى عشان يكون عبرة  
لرجال الحارة احنا دلوقتي في حرب...







الحقى يا ماما...

وهنا قالت (عدلات) بفرع:

في ايه يابت يانوسة.. جايه بتجري ليه ولونك مخطوف.. هي  
الكبيرة وصلت ولا ايه من البلد؟

لا لسه.. بس كنت بزور صاحبتى نوال في حارة الغزول...  
فردت (عدلات) بقلق:

ها وبعدين ايه اللي حصل اخلاصي؟  
ستات حارة الغزول غيروا شعار الحارة بقيادة زعيمة الحارة  
نفوثة العموشه ..

وهنا ردت (أم فاروق) بلهفة:  
”وخلوا شعارهم ايه يا نوسة؟“ فقالت بتردد وهي تنظر إلى  
عيونهن:

خلوه (احنا ستات حارة الغزول من غير فيبر ولا يحزنون )  
وهنا أخذن يصرخن ويولولن من جديد:  
”يالهووووووووى يا ناري.“ ثم قالت (أم إمام):  
- دول بيتريقوا علينا بقى ياستات والخبر وصلهم يا مراري يا  
فضيحتنا وسط حارات المنطقة ..

والمناطق المجاورة، وهنا ردت (أم شوشو) بغضب:  
لا بقى البت نفوثة العموشه عايزة تتربى يا ستات بقى.. احنا



## ستات حارة النبراشى..

الى لا راجل يهمننا ولا فتوة يقدر يلمننا.. تيجى البت نفوته  
وتتريق علينا يا لهووووووى يا ناناااارى  
وهنا ردت (عدلات):

منك لله يا حنفي فضحتني وضيعت هييتي وسط الحارات.. انا  
عدلات اكبر مؤسسين حارة النبراشي وزعيمة جمعية (الست الفتوة  
تتشال في القلب من جوة) اتبهدل وكمان ابقى مسخرة الحارات يا  
لهوووووووووووووووو  
يا فضيحتك يا عدلات  
وهنا قالت (نحمدو):

متزعزعليش نفسك يا ريسة.. احنا هنجبلك حقا من نفوثة  
العموشه دي اهانتك اهانه للحارة  
كلها دانتي رمز الحارة يا عدلات.. لا يا ستات حضروا نفسكم  
واتسلحوا ويلا بينا على حارة الغزول

نوريهم مقامهم ونعرفهم مين هما ستات حارة النبراشي ..  
وهنا سمعن صوتًا يصرخ من خلفهن بغضب:  
رايحه فين يا بت انتى وهيه مفيش احترام للكبيرة ولا إيه؟  
وهنا التفتت السيدات جميعًا، فوجدن الكبيرة (فتكات) وصلت  
من البلد بثيابها السوداء ويقف خلفها أربع سيدات يرتدين الأسود

ويغطين وجههن بالأوشحة السوداء ويحملن الحقائب الكبيرة،  
فصرخت سيدات الحارة بفرع :

- يالهووووووووووى الكبيرة وصلت من الصعيد .  
وردت (عدلات):

إزيك يا كبيرة عامله إيه؟ شفتي اللي حصلي أنا بقيت مسخرة  
الحارات.. يرضيكي يا كبيرة حنفي عايز يفضحني على آخر الزمن  
ويشترى لحاف فيبر احمر... احمر ياريتة كان اخضر ولا اصفر  
كنت قولت ماشي وعدتها لكن دا احمر يا كبيرة احمر

وهنا ردت الكبيرة (فتكات) بلهجتها الصعيدية وصوتها القوي:  
كل الحديث الماسخ دا وصلنى فى المكتوب يا بتى... وانتى يا  
حرمة انتى وهي متجمعين هنا ليه؟

وسايبين عيالكم وجوازكم يابى يابى يابى عليكم يا حريم..  
محدث قادر يحكمها غورى يلا انتى

وهى على بيتك و جوزك وعيالك يلا (جبر أما يلم العفش)  
وهنا أسرع سيدات الحارة وهن يرتعن من الكبيرة (فتكات)  
يركضن من أمامها بفرع حتى كادت (أم حسين) أن تقع على وجهها  
من شدة بدانتها المفرطة...

\*\*\*



في ورشة (الأسطى حنفي السباك)

كان حنفي يجلس يحتسي كوبًا من الشاي الثقيل كالحبر مع  
الحاج (زكي النجار) في ورشته بالحارة.  
فقال (زكي) بقلق:

إيه يا حنفي يا خوي.. انت خلاص مصمم على اللي في دماغك  
ماتراجع نفسك يا راجل بلاش  
مشاكل مع مراتك عدلات واخزي الشيطان.. دانا سامع ان  
ستات الحارة متجمعين عندك  
في البيت وعاملين مناحة..

فرد (حنفي) وهو يهز رأسه مستمتعاً بكوب الشاي الثقيل:  
لا يا زكى يا خويا انا لازم اجيب اللحاف الفير يعنى هجيبه  
وتتحرق عدلات

هي وستات الحارة والجمعية اللي عملاها..  
يعني مصمم يا حنفي على اللي في دماغك ومفيش فائدة  
وهتجيب تمنه منين بس مانا عارف البير وغطاه؟  
هتصرف يا زكي هتشرى بالتقسيط من البت مفيدة اللي فاتحه  
محل مفروشات أول الشارع  
انا اتفقت معاها خلاص.. هدفعلها كل شهر عشرين جنيه وعلى  
اربع سنين ..

هيكون تمنه خلص ان شاء الله  
وهنا ابتسم زكي باستمتاع :  
عشرين جنيه بس يا حنفى .. طب والله يا بلاش متيجى معايا يا  
حنفى يا اخوي تتوسطلي ..  
نكلمها تجبلى واحد انا كمان بمبى عشان اغيظ أم إمام  
اللي حرمانى أتغطى باللحاف القطن البمبى وبتخلينى استغطى  
بالبطانية الصوف  
الى كلها شوك وكلمتها كثير وقولتها حرام عليكى يا وليه  
جسمي اتهرى تشويك ودى مفيش فايدة ترد تقلى: « البطانية  
الصوف تقضي على البرد والعتة » ..  
واقلها طلعيلى اللحاف دا بقاله اكر من عشر سنين فى الدولاب  
والعتة هتكله تقلى تكلهم العتة ومحدث يتغطى بيهم يا زكى انت  
طمعان فى اللحاف البمبى دا شواري ورثى في الحياة...  
تقلش مصنوعين من ذهب.. يا حنفى يا اخويا زهقت...  
يلا تعالى معايا للبت مفيدة تجبلى واحد معاك يلا بالعند في ام  
إمام الله يحرقها ..  
وهنا ذهباً معاً إلى محل المفروشات للاتفاق على (لحاف) آخر  
للحج (زكى) بالتقسيط ولكنهم شاهدا  
الطفل إمام وهو يجري مسرعاً بوجهه الأصفر



ويصرخ بفزع :

- الحق يا بابا.. الحق يا عم حنفي الكبيرة وصلت من البلد...

وهنا رد (حنفي) بغيط:

عملتيها يا عدلات وبعتي جبتلي الكبيرة من البلد.. طيب يا

## عدلات فاکرانی

هرجع عن اللي في دماغي برود هجيب اللحاف الأحمر..

ومحدثش هيقفني!! ولا حتى الكبيرة.

وهنا قال الحاج (زكي) بفرع وهو يركض تاركًا (حنفي) وحيدًا

## بالحارة:

يلا يا واد يا إمام على البيت قبل حظر التجول اللي هتعمله

## الكبيرة دلوقتي للحارة اجري يا واد ..

وهنا أسرع (زكى) هو وولده إمام إلى منزله

ووقف (حنفي) وحيداً يفكر؛ ماذا سيفعل في هذه المصيبة

الجديدة والكبيرة (فتكات) التي لن ترحمه؟! ...

فلن تقدر عليها الشرطة.. هو يعرف ذلك ففي آخر زيارة لها

## للحارة

عندما حاول أحد شباب الحارة التبليغ عنها بعد أن ضربته لأنه

يتعاطى الحشيش على أول الحارة لم تحضر الشرطة

إلا بعد أن كسرت ساقه وقاموا بتجبيرها بالمستوصف، وقام

حراس الكبيرة بحبسه في المستوصف.  
حتى رحل أمين الشرطة الذي جاء ليحقق في الموضوع، فلن  
ترسل الشرطة قوة أمن كبيرة إلى تلك الحارة العشوائية  
التي لا يعرفون؛ كيف يخرجون منها إن استطاعت عربات  
الشرطة الدخول من الأساس ..

وبعدها تكلم أمين الشرطة مع الكبيرة، وتعرف عليها وعلى  
النجع التي تعيش فيه في الصعيد وظهر له أنها من سكان بلدته  
ويعرفها وتعرفها أمه، فأمه من نفس بلد الكبيرة، ومن يومها وهو  
يأتي لزيارتها هو وأمّه كلما عرف بوجودها بالحارة  
ومن يومها والكل يخاف من تلك العجوز المخرفة التي لا يقدر  
عليها أحد إلا القدير.. حتى الشرطة أصبحت تعرفها  
وهنا أتت لـ (حنفي) فكرة وهمس لنفسه:  
طيب يا عدلات انتى والكبيرة انا هبعت اجيب أمي من البلد  
نبوية المفترية عمدة كفر  
(المفترى ميقدرش عليه إلا القوى)..

هي اللي هتقدر تتصرف مع الكبيرة وتوقفها عند حدها هي  
وعدلات وتخليني اشترى اللحاف الفير الأحمر ...  
وأغيط عدلات والكبيرة.. الهى يولعوا هما الاتنين..

\*\*\*



# الصراع المميت

قرر (حنفي) أن يرسل تلغراف إلى كفر (المفتري ميقدرش عليه  
إلا القوي) إلى أمه (نبوية عمدة الكفر)..  
ويطلب منها أن تأتي إلى (حارة النبراشي) لقضاء بعض الأيام  
معه ومع أسرته  
ولم يخبرها شيئاً عن اللحاف الفير الأحمر أو عن حماته الكبيرة  
(فتكات) ..

فسيجعل الأمر مفاجأة لها وهو متأكد بأنها تكره الكبيرة (فتكات)  
وستقف بجانبه  
وتلقن (فتكات) وزوجته درسًا قاسيًا حتى إن كانت لا تؤمن بما  
يفعله

ولا توافق عليه، ولكنها لن تخذله أمام زوجته وحماته أبداً، هو متأكد من ذلك ..

هز (حنفي) رأسه بسعادةٍ وبعدها ذهب إلى مكتب البريد وأرسل  
التلغراف وفي أثناء عودته إلى المنزل ...  
ذهب حنفي إلى محل المفروشات في نهاية الحارة واشترى



اللعاف الفير الأحر؁ فلقد أضرته (مفيدة) كما طلب...  
وقرر أن يأخذ (اللعاف) ويضع زوجته وحماته أمام الأمر الواقع  
وليفعل ما يشاء إن فلن يهم الأمر..  
المهم بأنه اشترى اللعاف... وحقق ما يريد... كان (حنفي)  
يسير بسعادة بالغة  
وهو يحتضن (اللعاف الأحر) بين يديه بقوة وكأنه سيحميه من  
أي عدو؁ وهنا نظر (حنفي) حوله بتعجب  
فلقد كانت الحارة خالية من المارة تمامًا...  
فقال بفزع:  
«كيد حظر التجول عملته الكبيرة لأهالي الحارة..» وهنا نظر  
إلى ساعة يده  
ثم قال محدثًا نفسه:  
بس دي لسه أربعة العصر هي الكبيرة اتجنت ولا إيه.. ذا المغرب  
لسه بدري عليه منك لله  
يا عدلات جبتلنا مصيبة في الحارة.. هو احنا ناقصين قرف مش  
كفاية اللي احنا فيه .  
وهنا نظر إلى محلات الحارة فكلها مغلقة....



وأخيرًا وصل إلى منزله بحمله الثقيل، وهنا شاهد جميع أهالي  
الحارة يقفن أمام بيته في صفٍ طويل  
ويحملن الأشياء العديدة في أيديهم  
فمنهم من تحمل بعض الدجاج، وأخرى بعض البيض وسلة  
خبز وآخر يحمل صندوق مياه غازية  
وهنا فهم (حنفي) الأمر لقد أتوا جميعًا للترحيب، وتقديم  
الهدايا للكبيرة خوفًا منها..  
فقال يهمس لنفسه:  
كلكم جنبنا.. حارة منافقة كل دا علشان خايفين من الكبيرة  
وهتعملكم ايه يعني يا جنبنا.. دي مجرد ست  
عجوزة بتخرف.. قال خايفين منها قال..  
وهنا حاول اختراق صفوف الناس ليدخل إلى منزله، وهم  
ينظرون له بفضول  
وإلى ما يحمله بين يديه (اللحاف الفير الأحمر) فلقد كان  
ظاهرًا من حقيقته الشفافة.  
وصرخت إحدى السيدات برعبٍ (أم إمام):  
يا لهوي دا الأسطى حنفي نفذ اللي في دماغه واشتري اللحاف  
الأحمر يا نصيبتى..  
مكنش يومك يا ابو نوسة.. اكيد الكبيرة هتكفنه فيه ...

وردت (أم فاروق):

يا لهوي الكبيرة مش هترحمه.. هتخلص عليه ومش بعيد تدفنه  
حي.. وتحط

اللحاف على قبره للذكرى

وردت أخرى (فكيهة):

والنبي كان ابن حلال يا حبيتي يا عدلات.. اترملتي بدري يا  
اختي

ولا البنت نوسه اللي ابوها مات قبل ميحوزها ويفرح بيها  
ويشوفها عروسة..

وهنا أخذت النساء تصرخ وتولول بصوت عالٍ

يالهوي ما كنش يومك يا ابو نوسة.. والله كنت غلبان وابن  
حلال

وهنا صرخ (حنفي) في وجوههن بصوت عالٍ:

اخرسي يا ست انتى وهيه.. انا لسه عايش اهو موتوني ودفنتوني  
وانا حي ربنا ينتقم منكم... تستاهلوا اللي بتعملو فيكم الكبيرة

..

وهنا دفعهن بقوة ودخل إلى شقته، فوجد صديقة الحج (زكي)

يقدم بعض

الفاكهة في كيس كبير إلى حماته، ويضعه بجوارها وهناك العديد



من أنواع

الفاكهة والطيور والخبز بجوارها، وهو يقول:  
نورتي الحارة يا كبيرة الحارة من غيرك ضلمه والله.. متبقيش

تغيبني

عنا كثير يا كبيرة والعيال بيحبوا معسكرات التدريب اللي  
بتعمليلهاهم

في الحارة ويستنوها من السنة للسنة  
فنظر حنفي بضيقٍ إلى الكبيرة (فتكات) التي تجلس على أحد  
المقاعد

وتقف خلفها أربع سيدات يرتدين الأسود ويمسكن بالبنادق  
الرشاشة..

وهنا ابتلع (حنفي) ريقه بفزعٍ ونظر إلى (اللحاف الفبير الأحمر)  
بين يديه برعبٍ وحاول العودة من حيث أتى ولكنها في تلك  
اللحظة رفعت رأسها لتنظر إليه:

كيفك يا حنفي يا ولدي؟؟

وهنا اقترب (حنفي) ببطء ونظرات الذعر على وجوه الموجودين  
وصرخت (عدلات) عند رؤيتها للحاف ..:

عملتها يا حنفي واشتريت اللحاف ونفذت اللي في دماغك....  
يا مراري ..

يا فضيحتك يا عدلات وسط الحارة.. جوزك اشترى اللحاف  
الاحمر الفبير يا لهوي.  
وهنا قالت الكبيرة لا بنتها:  
اكتمي يا بت بلاش كلام فارغ ملوش عوزة.  
وهنا تقدم (حنفي) مرحبًا بحماته:  
«ازيك يا كبيرة والله وحشتيني منورة البيت»... وهنا نظرت إليه  
بنصف عين.. والأخرى مغلقة..  
وهي تضع يدها تحت ذقنها وتنظر للحاف، فرفعت السيدات  
خلفها الأسلحة الرشاشة..  
فأكمل (حنفي) بقهرٍ وهو ينظر للحاف بحسرة:  
«مردتش ادخل عليكي وايدي فاضية يا كبيرة.» وهنا وضع  
الحاف بجوار  
الأشياء الكثيرة بجوار الكبيرة، وهنا ابتسمت قائلة:  
كلك ذوق يا ولدي.  
وبعدها قامت من على كرسيها قائلة:  
«هروح اريح شوية الواحد دماغه لفت من البابور.» ونظرت  
لأهالي الحارة ثم  
أكملت :  
«نردهالكم في الأفراح يا سادة.» وبعدها وضع كل شخص ما



يحملة بجوارها  
ورحلوا مسرعين ...  
ولكنها أوقفتهم قائلة:  
أنا هدخل انام مش عايزة اسمع صوت في الحارة وبعد صلاة  
العشا كل واحد على بيته وعياله مفهوم..  
فردوا جميعهن بصوت واحد:  
مفهوم يا كبيرة.  
وبعدها رحل أهل الحارة من منزل (الأسطى حنفي) وهم  
يدعون عليه ..  
فكل هذا بسبب عناده مع زوجته.... فجعلها ترسل في طلب  
أمها المفترية لنجدتها...

\*\*\*

أمام منزل حنفي  
نادى الصبي (إمام) على أصدقائه:  
يلا بينا نروح نلعب في (حارة الغزول) لحسن لو عملنا اي  
صوت في الحارة  
الكبيرة ممكن تضربنا بالنار بالأسلحة الرشاشة اللي معاها  
ورد طفل آخر اسمه (يسري):  
طيب متستنى يا إمام لما ناخذ نصيينا من الحاجة الحلوة والفاكهة

الأول..

أنا عارف أخواتي هياكلوا نصيبي ومش هيفلولي حاجة .  
فرد (إمام):

تفتكر الكبيرة هتوزع علينا زي كل مرة ..  
ايوة يا إمام الكبيرة دايماً بتوزع علينا الحاجات الحلوة بتاعة أهل  
الحارة

«خلاص يا يسري هنستنى»... وبعدها جلسوا على الأرض أمام  
منزل

(الأسطى حنفي).. في انتظار عطايا الكبيرة..

\*\*\*

في منزل حنفي  
وقفت الكبيرة وهي تنظر إلى السيدات وهن يقسمن الأشياء  
التي أمامهن؛ الفاكهة والبيض والطيور واللحوم.  
فقالت الكبيرة:

همي يا حرمة انتي وهي .. عايزة الحاجة كلها تتقسم بالتساوي  
على أهل الحارة وكل واحد  
ياخد نصيبه بالعدل.. مفيش بيت ينقص عن الثاني شيء ولو  
حاجة نقصت روعي  
يا بت يا عدلات اشترى الناقص...



«العدل أساس الحكم يا بتي» ثم أخرجت بعض الأموال ومدت يدها

لابنتها التي أخذتها منها بضيقٍ وهي تقول:  
وايه لازمة اللي بتعمله دا يا امي بس.. أهالي الحارة جايبلك  
الحاجة محبة

وتقدير ليكي ومش مستنيين انها ترجعهم تاني  
وهنا ابتسمت الكبيرة وهي تقول:  
الحاجة دي يا عدلات يا بتي جاية بالكره والخوف.. ولو نزلت  
جوفنا هتحرقه زي النار ...

وهنا تركتهم الكبيرة وهي تحمل (اللحاف الفبير الأحمر)  
وذهبت إلى غرفة نوم (عدلات وحنفي)..  
ونظر (حنفي) إليها بغیظ... ولم يتكلم حتى دخلت الغرفة  
واختفت عن ناظره

فأمسك زوجته من زراعها بقوة:  
هي امك هتنام في أوضتي يا عدلات ولا ايه ؟  
فردت وهي تحاول أن تخلص يدها منه:  
او مال هتنام فين ان شاء الله... في الصاله يا راجل يالي معندكش  
دم.

تنام في اوضة المسافرين يا عدلات.



الحريم اللي معاها هيناموا فيها.. هتنام على الأرض يعني يا  
حنفي ما تحترم

نفسك يا راجل دي الكبيرة.

منك لله يا عدلات وإيه اللي خلاكي تبعتلها من البلد؟  
والله ومين يا سي حنفي السبب مش بسبب عمايلك السودا  
والفضيحة اللي عملتها يا ابو لحاف فيبر احمر.. بردو متغطتش بيه  
...

وبعدها أطلقت ضحكة عالية ورحلت من أمامه  
وهي تقول:

هروح اشوف الكبيرة احسن تكون محتاجة حاجة ..  
وهنا نظر لها (حنفي) بغيط وهو يهمس:  
«فينك يا اما.. فينك يا نبوية يا مفترية تربيههم.. وتعلميهم  
الادب وترجعيلي لحافي الفيبر ..  
اللي ملحقتش اتهنى بيه.» وهنا سمع صرخة زوجته العالية ....  
فابتسم (حنفي) بفرح وهو يقول:  
هي الكبيرة ماتت ولا ايه؟ يارب عدلات تحصلها علشان  
نخلص.





بنت خاله

ودلوقتي الواد رافض الجوازة وهرب على مصر  
وهنا أشارت (نبوية) إلى بعض الرجال الذين يرتدون جلابيبًا  
واسعة سوداء ويلفون رؤوسهم ووجوههم  
بـ(شيلان) سوداء لا يظهر منهم إلا عيونهم قائلة:  
ها يا نينجا الكفر لحقتوه يا رجاله ولا فر منكم ..  
فردوا وهم يحملون جوالاً كبيراً بين أيديهم:  
ايوة يا ست العمدة خطفناه من القطر قبل ما يطلع .. دا احنا نينجا  
كفر المفتري

وهنا نظر (عويس) بخوفٍ إلى الجوال وهو يتحرك:  
مين اللي في الشوال يا ست العمدة .. او عي يكون ولدي باسم  
فرد أحد الرجال في المجلس:  
مهو انت اللي بوزته يا عويس ... مسميه باسم ..  
مهو لازم يطلع فاسد .. قال باسم قال .. كنت سميته الحزين على  
اسم ولدي ...  
فقالت (نبوية):

«طلعوه يا نينجا الكفر ..» فقاموا بفك الجوال وأخرجوا رأسه ...  
وخرج رأس شاب لا يتجاوز العشرين عاماً، فصرخ وهو منهار:  
سامحيني يا ست العمدة .. وارحميني وسبيني اعيش .





وهنا ردوا بصوتٍ واحد:  
تمام يا ست العمدة.. نينجا الكفر نينجا استعد ...  
وهنا صرخ (باسم):  
لا لا حرام عليكم موافق هتجوزها.. الحوله الحوله ومنكم لله  
يا ظلمة..  
فردت (نبويه):  
الفرح الليلة... مبروك يا ابو الحولة.. جهزوا للفرح يا ولاد  
وزغرطي  
يا حرمة انتى وهيه.. وهنا امتلأت الزغاريط بالكفر..  
وهنا قال أحد الرجال:  
ربنا يخليكي لينا يا ست العمدة.. ردتى لبنتي الحوله شرفها  
وكرامتها قصاد  
الكفر كله.. هنروح نجهز للفرح..  
وهنا قالت (نبوية):  
وانت يا مطاوع ملقتش إلا اسم الحوله وتسميه لبنتك... الله  
يسامحك  
يا شيخ طلعت للبت سمعه وهي عورة مش حوله يا راجل ...  
هعمل ايه يا ست العمدة كله من امها.. والداية ام إسماعيل..  
اللي ضيعت عين البت الله يسامحهم..



يلا هنروح نجهز للفرح الليلة .

وهنا قالت (نبوية):

يا نينجا الكفر خدوا العريس جهزوا للفرح الليلة.. واياك يهرب  
منكم

وانت يا عويس روح جهز الدبايح والوكل.. الكفر كله معزوم  
الليلة ..

وهنا أخذ الرجال (باسم) وهو يصرخ:

هو الجواز بالعافية يا ناس.. انا هتجوز واحدة عورة كمان مش  
حواله يا حظك الاسود يا باسم.

وهنا أتى رجل قصير يرتدي جلبابًا، وهو يجري رافعًا جلبابه  
بأسنانه:

ست العمدة.. تلغراف من مصر من ولدك حنفي..

اقرا يا واد يا حميده.. يقول ايه حنفي ولدي؟

بيقول تعالى يا اما قضي معانا كام يوم انا والعيال.

عيال ايه الموكوس حته البت اليتيمة اللي مخلفها... انا قلبي  
مطمئن

يا واد يا حميدة.. أكيد حنفي في مشكله

وليه يا ست العمدة حنفي ولدك ميجيش يعيش بالكفر وسطينا.

علشان فقري يا حميدة.. رافض وکاره کفر المفتری.

وبيشغل ايه يا ست العمدة في مصر.  
بيشغل مهندس سباكه قد الدنيا في مصر.  
يعني سباك يا ست العمدة هما دول بيقوا مهندسين؟!  
يا غبي مش الميكانيكي بيتخرج من كليه الهندسة وبيطلع  
مهندس ميكانيكي.. اهو السباك بيتخرج من كلية الهندسة بردو  
وبيطلع مهندس سباك.  
يا حلاوة اول مرة اعرف يا ست العمدة... بس مش حنفي  
معهوش إلا الابتدائية..  
دخل امتي كلية الهندسة؟  
- وانت تعرف حاجة يا غبي غير في الحمير وانواعها..  
مصر بلد كبيرة وفيها جامعات مفتوحة ليل نهار.. الواحد ممكن  
يتخرج منها اي حاجة.  
يعني يا ست العمدة لو انا دخلت كليه الهندسة المفتوحة قسم  
حمير هبقى مهندس حمير؟  
ايوة يا مهندس الحمير غور جهاز للفرح عشان هنسافر بكرة  
مصر.. التلغراف  
دا مش مريحني أبدًا.. وشامه ريحة الكبيرة فيه.

\*\*\*



## الشيخ سالم

سمع (حنفي) صراخ زوجته (عدلات) وشعر بالفرح وهو يعتقد بأنها الكبيرة قد رحلت عن الحياة..  
وستترك له (اللحاف الفير الأحمر) فأسرع إلى غرفة نومه، وهو يسمع صراخ زوجته وهي تقول:  
ايه دا يا كبيرة اللي انتي عملاه دا حرام عليكى والله دا ظلم.  
وسمع الكبيرة ترد عليها بعنف:  
اخرسي يا بت لقوم اقطعلك لسانك.  
وهنا ابتسم (حنفي) وهو يتمنى أن تقطع حماته لسان زوجته حقاً  
وتريحه منها  
قائلاً:

ياريت تريحيننا منه والله يا كبيرة ومن طوله..  
وهنا دخل الغرفة، فشهد الكبيرة حماته (فتكات) تتمدد على سريره وتفرش المفروش الستان الأحمر  
(الدراية) على السرير، تنام عليه وتغطي بلحافه الفير الأحمر  
الذي لم يغطي هو به أو يستمتع به.



فضحك غصبًا عنه شامتًا بزوجته (عدلات) التي حرمته من  
اللحاف الستان و(الدراية) ليتغطي بهم  
فجاءت أمها لتنام عليهما  
وهنا قال (حنفي) بسخرية:  
دي آخرة الافترا يا عدلات  
فصرخت (عدلات):  
- انت بتقول ايه يا حنفي؟!  
- لا ولا حاجة بسأل بتصوتي ليه يا عدلات.. حصل ايه؟  
فردت الكبيرة وهي تضع يدها تحت ذقنها:  
مستخسرة أمها تنام على مفرشها الأحمر، وتتغطي باللحاف  
الأحمر الفير  
يرضيك يا ولدي..  
لا يا كبيرة ميرضنيش طبعًا.. ازاي الكلام دا يحصل؟  
وهنا نظر إلى زوجته صارخًا:  
ازاي يا عدلات تستخسري في أمك اللي ربك وتعبت معاكي..  
وحملت فيكي ١٣ شهر  
تنام على الدراية الحمرا اللي عمرك مانمتي عليها وشايلها في  
الدولاب للعتة تكلها؟  
١٣ شهر ليه يا حنفي هي كانت حامل في جاموسة.... اسكت يا



## حنفي... وملكش دعوة..

انا مستخسرش في امي حاجة أبداً.. نامي يا كبيرة وارتاحي  
واتمتعي بالدراية الحمراء اللي حيلتي  
وهمست لنفسها بغيط:

يعني يارب انا جايبة امي عشان تقف لحنفي وتبهدله.. تقوم تبهدلني..

وتفرسني... ستات الحارة لو شافوا الدرايه عل السرير  
واللحاف هتحصل

مصيبه وهفقد هييتي وزعامتي للحارة.. اعمل ايه في المصيبة دي يارب.

وهنا قطع جبل أفكارها صوت أمها التي صرخت:  
اخرجوا برا واطفوا النور عاوزه أنام ساعتين... دماغي ثقيله من  
السفر

واللحاف الفيبر بيدفي زين.. يا حنفي  
وهنا نظر (حنفي) بحسرةٍ إلى لحافة الأحمر وهمس لنفسه:  
بيدفي زين وانا كنت جربته يا ظالمة منك لله انتي وبتتك.  
وخرج (حنفي) وزوجته من الغرفة بعد أن أغلقا المصباح...  
وكانت مازالت مساعدات الكبيرة.. مازلن يوزعن الأشياء  
بالتساوي على أهل الحارة مع (نوسة)

فنظر حنفي إلى كل تلك الفواكه والطيور واللحوم والبيض  
والفطائر..

قائلاً:

مش خسارة الحاجة دي تتوزع على الناس بدل ماناكلها احنا.  
فردت (عدلات) بغيط:

روح قول الكلام دا للكبيرة يا حنفي... يا راجل يا جبان بقى  
تدي اللحاف اللي جايه  
بالقسط للكبيرة علشان تسبك.. منك لله يا شيخ بدل ماتقف  
زي الأسد وترفض..

انا جبان يا عدلات وهخاف من إيه؟.. أنا طول عمري أسد...  
أنا ادتهولها محبه مش اكثر.

محبة ومن امتى انت بتحبتها وكان لازمته ايه تشتريه وتفضحنا  
وسط الحارة وتداين نفسك؟  
انتي السبب يا عدلات.

انا السبب ليه وانا اللي داينت نفسي ورحت جبت لحاف فيبر  
احمر.. احمر احمر يا حنفي؟

طول عمرك مستخسرة تفرشي المفروش الأحمر واللحاف  
نستمتع بيهم

ومتعرفيش اننا هنموت في يوم من الأيام ومش هناخد حاجة





طيب يا نوسه بألف هنا يا بنتي.. انا هنام في اوضتك لغاية الكبيرة  
ماترجع البلد

انتى عارفة اننا في أزمة ولازم نستحمل بعض..  
وانا هنام فين يا بابا إن شاء الله لما انت وماما تحتلوا اوضتي؟  
في الصاله يا نوسه يا بنتي الأرض واسعة وتشيل من الحبايب  
ألف.

هنام على الأرض يا بابا حرام عليكم.  
انتى يا بنتى لسه شباب وتستحملي وعلى رأي أمي:  
« الأرض تقضي على العتة وتشيل الرطوبة من الجته »  
رطوبة ايه يا بابا وعتة ايه حرام عليكم والله اللي بتعملوه فيا دا..  
يعني يرضيكي يا نوسه ابوكي حبيبك أبو حنفي ينام على  
الأرض؟

بصراحة اه يرضيني.. انت السبب ايه اللي خلاك تشتري اللحاف  
الفير الاحمر وتعانده مع أمي..

اهي الكبيرة هي اللي خدته في الآخر  
حتى انتى يا نوسه يا بنتى بتقفي ضدي.  
فأخذت تحك شعرها الطويل بعنف وهي تقول:  
خلاص ماتزعلش يا ابو حنفي.. هنام على الأرض وهقضي  
على العته وهخرج الرطوبة من الجته على رأي جدتي العمدة نبوية.



## الشيخ سالم

رجل كبير يبلغ من العمر سبعين عامًا، ويتمتع بصحة جيدة...  
ويحافظ على نفسه وصحته جيدًا..  
ولكنه بخيل لدرجة كبيرة ويعذب من حوله.  
يمتلك محل عطارة كبير بالحارة.. ومحله هو الوحيد بالحارة..  
عنده ثلاث أولاد (حمد) (محمود) (هاشم)..  
(حمد) متزوج من (زينب) ابنة (فكيهة الخضرية) وله أربعة  
أطفال ذكور  
ويعمل (حمد) مع والده الشيخ (سالم) بالمحل في العطارة،  
ولكن الشيخ سالم...  
يرفض أن يعطيه أي نقود مقابل عمله ودائمًا يقول له إذا طلب  
منه أي مال:  
« إذا دخلت النقود الجيوب.. فسدت القلوب. »  
بل يعطيه طعامًا قليلًا بدلًا من النقود فقط له ولأطفاله، ويسكن  
في نفس بيت الشيخ (سالم)  
في الشقة التي تليه... فالمنزل ملك الشيخ (سالم)..  
كان والده يرفض ويهدده أن يتركه ويعمل في أي مكانٍ آخر وإلا

طرده من شقته.

كما فعل مع ولديه الآخرين (محمود) الذي هرب بزوجه من  
الحارة

ولا يعرف أحد له مكان و(هاشم) الذي مازال يدرس في كلية  
الطب

وهرب من والده الذي كان يريد أن يخرج من الثانوية العامة  
كإخوته

ليعمل معه، ولكن هاشم كان يتمنى دخول كلية الطب....  
فرحل عن والده واستأجر حجرة صغيرة، وكان يعمل في أحد  
المطاعم

ويدرس في نفس الوقت حتى ينهي تعليمه وكليته ويحقق حلمه.  
لم يتبق من أولاد الشيخ (سالم) إلا (حمد).... فهو لا يعرف  
شيئاً بالدنيا ولم يكمل  
تعليمه وإلى أين سيذهب بأولاده الأربعة وزوجته... فكانوا  
حملاً ثقيلاً على قلبه.



## في منزل الشيخ سالم

وقف (حمد) بجوار مائدة الطعام التي لم يكن عليها سوى  
أطباق الفول والطعمية والخبز ..  
نظر (حمد) بحسرةٍ إلى الطعام قائلاً:  
هو كل يوم فول يا ابا حرام عليك.. العيال قلبها اتحرق ونسيت  
شكل اللحمية.  
فرد الشيخ (سالم) وهو يضع اللقمة بعد أن غمسها بالفول:  
يا بني احمد ربنا... ومتبطرش على النعمة في ناس مش  
لاقينها..  
انا سميتك (حمد) عشان تحمد ربنا على اي حاجة.. متبقاش  
زي اخواتك.  
الحمد لله يا بابا على كل شيء.. بس مش كل يوم فول انا  
والعيال زهقنا نفسنا ناكل لحمية او فراخ..  
شوية شوربة سخنين... حبة رز.  
شوربة سخنه تهري بدنك واللحمية يا حمد يا بني مضرة لصحة  
اولادك وبتجيب المرض البطال..  
اعوذوا بالله والنقرص.



المرض البطل والنقرص!! وهو احنا هاناكلها كل يوم يا ابا  
علشان تجبلنا  
النقرص والمرض...  
طيب يا ابا اديني مهيه كل يوم.. حرام عليك اشتغل بلقمتي زي  
السخرة.  
يا بني كتر الفلوس تفسد الأخلاق وتبوزك زي اخواتك.. انا  
سميتك حمد  
عشان تحمد ربنا وتخرس.  
اخواتي يا بختهم ياريتني عملت زيهم وهربت.. بس اعمل ايه  
في الأرنبة اللي  
متجوزها كل سنه تجيب عيل.  
انت بتقول ايه يا حمد؟  
لا ولا حاجة كل كل يا بابا بالهنا والفلول.  
اعد يا بني اتغدى وانه على العيال.. الفول قرب يخلص ومش  
هشترى تاني  
الحقولكم لقمة وخلاص تسد الجوع...  
نلحقنا لقمة... لا مش عايز انا صايم يا ابا انهاردة.  
ايوة يا ابني الصيام عبادة حلوة وبتنصف المعدة من الأمراض..  
ربنا يبارك فيك يا حمد يارب ..



ياريت تصوم طول السنة.. هيبقى احسن ليك وعلم ولادك  
الصيام عيالك كبروا يا حمد يا ابني..  
مبقوش صغيرين  
اعلم ولادي الصيام.. دا اكبر عيل الواد يسري عنده خمس  
سنين!!  
وماله يا بني علشان العيل يطلع راجل ويقدر يتحمل الجوع  
والعذاب.  
يتحمل الجوع والعذاب ليه وهو هيحارب.. ولا هياخدوهم  
أسرى حرب  
انا ماشي يا ابا احسن حاسس اني تعبان ودايخ.  
تلاقيك كترت في السحور يا حمد... قلل يا بني في الفطار  
أفضل لمعدتك.  
وهنا نظر (حمد) بغيطٍ إلى والده وبعدها ذهب ورحل...  
وجاءت سيدة مسنة وهي (أم حمد):  
حرام عليك يا شيخ سالم.. خف على الواد ليطفش زي  
اخواته... احنا معندناش غيره دلوقتي.  
وهيطفش يروح فين بقرطة العيال اللي مخلفها يا ناصحة؟  
معلش يا شيخ سالم العيال مصاريها كثير وهو معاه اربع عيال.  
اديله يوميه لو ٢٠ جنيه في اليوم

٢٠ جنيه انتى اتجننتي يا وليه ولا ايه... مش عايز اسمع صوتك  
لا حرمك من الأكل أسبوع في البيت.

٢٠ جنيه يا نهار اسود الولية اتجننت.. عايزة تبوظ أخلاق الواد  
وتفسده بدلعه الزيادة.

وهنا نظرت له بغیظ، ثم رحلت من أمامه وهي تقول:  
يعني هتحرمني من اللحمه والفراخ اللي باكلهم كل يوم..  
خليهولك يا خوي الفول والطعمية.

انتى بتقولي حاجة يا ام حمد؟  
لا ولا حاجة انا طالعه لزینب اشوف الواد تامر كان تعبان.  
وادتیلوة الأعشاب اللي ادتها لكم امبارح؟  
ايوة خدها ولسه الإسهال مبطلش.  
تلاقيكم افترتوا وكترتوا الأعشاب مهو مال سايب وملوش  
صاحب.

هاتي باقي الكيس معاكي علشان ارجعه المحل طالما الواد  
مخفش وبلاش افترى... دا مش مال كفار.

«حاضر يا شيخ سالم»... ثم همست بصوتٍ منخفض:  
ربنا يخلصنا منك يا شيخ.

ذهبت (أم حمد) ولكن الشيخ (سالم) استوقفها قائلاً:  
ورحتي سلمتي على الكبيرة وادتيها الكرتونه اللي جبتها لك.



وهنا نظرت بغضب، ثم قالت:

ايوة رحح وربنا يستر على اللي هتعمله لما تشوف عليه التونة...

بقی یا

راجل تجيب كل الكرتونة دي والآخر تحط فيها علبه تونة

## صغيرة منتهية

الصلاحيه ورغيف عيش آخذ منه حته..

مانا كنت جعان اخدت قطعة صغيرة من الرغيف اسد جوعي يا

ام حمد ...

يعني هي هتعرف مين اللي جابها.. ما لحارة كلها مودية شيء

وشویات بلاش افتری کل واحد ومقدرته ...

انت حر الهى تخلص عليك وتضربك بالنار يا بعيد.

بتقولي حاجة يا ام حمد؟

لا ولا حاجة بقول انا طالعة لزينب اشوف الواد العيان.

متنیش کیس الأعشاب.. وایاک تطمعوا فیہ ما انا عارفکم..

## تاكلوا مال النبي..

وميهمكوش يا ظلمة القرش اللي بتعب واشقي فيه.

\*\*\*

## في شقة حمد

كانت زوجته (زينب) تحمل طفلاً صغيراً بين يديها يبكي بشدة  
فقالت لزوجها (حمد):  
الواد تعبان يا حمد لازم اوديه للدكتور اتصرف.  
هعمل ايه بس يا زينب كلمت ابويا ورفض.  
رفض يعني هتسيب الواد يموت حرام عليك.. انت ازاي راضي  
تعيش كدة يا حمد من غير متاخذ يوميه؟  
كل دا بسببك انتي يا هانم.  
انا يا حمد ليه إن شاء الله.  
كل سنه عيل عيل ربطيني في البيت والعيال ومش عارف اهرب  
زي اخواتي وابعد عن ابويا الظالم..  
ليه متسيبه وتشتغل في اي حته تانية.  
اسيبه أول حاجة هيعملها هيطردنا من الشقة.. هنروح فين  
ونعمل ايه ونعيش في الشارع؟  
منه لله أبوك الظالم المفتري... والواد العيان دا هنعمل ايه  
هنسيبه يموت؟  
روحي استلفي من أمك ووديه للدكتور.





امي وهي كل شويه هتسلفني وهي جوزتني علشان تصرف عليا  
حسبي الله ونعم الوكيل...

وهناق الباب...

وكانت (أم حمد) وسمعت حوارهما.. فقالت:

معلش يا حمد يا بني معلش يا زينب يا بنتي... خدي يا زينب  
الفلوس دي ودي الواد للدكتور.

وهايله العلاج وبكرة ربنا يعدلها.

فنظر (حمد) إلى أمه:

وجبتي الفوس منين يا اما.. انا عارف ابويا مبيدكيش فلوس.

ملكش دعوة يا حمد اتصرفت.. روح ودي ابنك للدكتور وهات

للعيال

نص كيلو لحمه فرحهم بيها يا بني.. العيال مشفتش اللحمه من

العيد الكبير

\*\*\*

## تبادل الأدوار

في منزل (الأسطى حنفي) وقفت (نوسة) تنظر بحيرةٍ إلى تلك  
الكرتونة الكبيرة وسط الأشياء الكثيرة..  
وعطايا أهل الحارة للكبيرة..

فحملت الكرتونة بين يديها، فكانت خفيفة يبدو أنه لا يوجد بها  
شيء

فهزت الكرتونة... فسمعت صوت شيء بداخلها.. فقالت  
بتعجب:

غريبة ودي فيها ايه... افتح واشوف يمكن فيها فيل؟  
وفتحت (نوسة) الكرتونة، وهنا صرخت وهي تضحك بهستريا:  
علبة تونه باتنين جنيه وكمان منتهية الصلاحية وبايزة ومعاها  
رغيف عيش مأكول يا لهوووووى...

فنادت على أمها:

يا ماما الحقي يا ماما.

فيه ايه يا نوسه خير؟

«تعالى شوفي عطايا اهل الحارة.. واحد جايب للكبيرة ايه.»



ومدت يدها بالرغيف وعلبة التونة  
وهنا شعرت (عدلات) بالغيف وقالت:  
دا أكيد الشيخ سالم الحركة الناقصة دي متطلعش إلا منه...  
الراجل البخيل.  
وهنا أخذت (نوسة) تضحك بعنفٍ وهي تمسك رغيف الخبز:  
يعني كمان رغيف بلدي بشلن وقطم منه حته.. دا تلاقيه شاحت  
الرغيف من حد او سارقة من عيل كان بياكل فيه.  
انا لازم أربيه الراجل البخيل دا.. متبعتيش حاجة لبيت الشيخ  
سالم يا حرمة انتي وهيه..  
وهروح ابهدله في بيته.. بقى هو دا مقام الكبيرة امي..  
وهنا سمعت صوتاً قوياً من خلف ظهرها يقول:  
وانتي اللي هتتحكمي كمان.. الحريم تبعت إيه ومتبعتش إيه يا  
عدلات.  
وهنا شهقت (عدلات) بفزعٍ عندما سمعت صوت أمها  
الغاضب، ثم قالت:  
مقصدهش يا كبيرة بس الشيخ سالم مستقل بيكي.. شوفي باعت  
إيه.. علبة تونة  
منتھية الصلاحية ورغيف آكل نصه.. الراجل البخيل.  
كل واحد بيعت اللي في مقدرتة ومقامه يا بتي.



بس دا اغنى راجل في الحارة يا أمي ومن بخله طفش عياله..  
مفيش غير ابنه الغلبان  
حمد اللي عايش معاه بالسخرة.  
وهنا نظرت (فتكات) إلى النساء قائلة:  
اعملي صينية الضعف من كل حاجة عن أهل الحارة... وابعتيها  
لبيت حمد ولد الشيخ سالم يا رقيقة.  
ف قالت (عدلات) بغضب:  
ليه يا أمي كدة بس تصغرينا... محدش هيعملنا قيمه في الحارة  
بعد كدة.  
لم تنظر إليها الكبيرة، ولكنها قالت:  
همي يا رقيقة وابعتي الصينية بسرعة لبيت حمد... وانتى يا  
نوسه..  
هتودي الصينية بنفسك لمرات حمد... ومفيش حاجة تدخل  
بيت الشيخ سالم.  
حاضر يا كبيرة... والله البت زينب غلبانة ووشها بقى اصفر من  
قلة الأكل.. ربنا يخليكي يا كبيرة...  
دي هتفرح اوووي هي والعيال الغلابه.  
وبعدها رحلت (نوسة) بالصينية... ودخلت الكبيرة إلى غرفتها  
تاركة ابنتها





في الصلاة تضرب كفاً بكف:  
يا هيبتك اللي ضاعت يا عدلات.. يا خيبتك السودة يا زعيمة  
الحارة...  
يعني انا اجيب أُمِّي تعني وتاخذ حقي تيجي تبهدلني وتبعد  
الناس عني..  
هعمل ايه يارب في المصيبة السودا دي.. منك لله يا حنفي انت  
السبب انت ولحافك الفيبر.




## في منزل حمد

جرس الباب وفتحت (أم حمد) الباب... فوجدت (نوسة)  
تحمل صينية كبيرة عليها الكثير  
من الطعام واللحوم والفاكهة.. فقالت بفرح:  
ايه دا كله يا نوسه؟  
دي عطايا الكبيرة يا خالتي... والكبيرة تحذر إن مفيش حاجة  
تدخل بيت الشيخ سالم.  
والله ما هيدوقه... خسارة فيه.. شكرا يا نوسه وبلغني سلامي  
للكبيرة.  
حاضر يا خالتي خدي بقى ايدي وجعتني ومش قادرة احركها.  
«ربنا يخليكي يا بنتي يارب ونفرح بيكي قريب يا نوسه..»  
وبعدها نادت على زوجة ابنها:  
يا زينب.. يا حمد تعالوا يا ولاد شوفوا رزق ربنا... والكبيرة  
بعتالكم ايه؟..

وهنا دخل صبي صغير (يسري) يركض من خارج المنزل:  
«موز وتفاح وفراخ هيه هيه..» ومد يده والتقط إصبع موز بلهفة  
وهنا نظرت (زينب وحمد) إلى الصينية بفرح.. أخذ الصبي





او عوا تاكلوا نايبى من اللحمة انا هلعب شوويه وهرجع... احسن عندي مطش كورة.

وأثناء نزوله على السلم قابله جده الشيخ (سالم) ونظر إلى التفاحة

بين يديه بلهفةٍ وحاول أخذها بالقوة من بين يديه... قائلاً:

ايه يا واد يا يسري اللي بتاكله دا هات وريني كدة؟

ولكن الصبي أخفى التفاحة خلف ظهره وهو يقول:

مفیش حاجة يا جدي.. سبنی انزل بقى عندي مطش كورة.

هات اللي في إيدك الأول ادوقه يا واد متبقاش طماع.

لا روح خد من عند ماما.. الكبيرة باعته حاجات کثیر اوووی.

ايه بتقول ايه؟ حاجات كتير وفيه لحمة يا واد يا يسري؟

ايوة يا جدو لحمة وفراخ وموز وفطير.

وهنا أسرع الشيخ (سالم) يصعد السلم إلى شقة ابنه (حمد)

وكاد يسقط على وجهه وهو يصرخ:

افتحوا الباب يا ظلمه يا مفترين.. هتاكلوا كل دا لوحكم...

دانتو ولا الكفار.. طيب اعملوا حساب الراجل العيان ابوكم الشيخ سالم.

وهنا فتحت له زوجته الباب، وهي تنظر له بغضب:

فيه ايه يا شيخ سالم مالك بتصرخ ليه؟

فين الحاجة اللي بعتها الكبيرة؟

حاجة ايه يا راجل...؟

اللحمة والتفاح.

انت بتحلم ولا ايه يا ابو حمد... لو نفسك فيه روح اشترى كيلو.

انا شفت الواد يسري معاه تفاحه امريكاني حمرا قد البطيخة

بياكل فيها.

دا بيضحك عليك علشان ماتخدهاش منه يا راجل يا بخيل...

بتخطف التفاحة من ايد الواد الصغير تلاقي حد ادهاله..

وهنا قال بغضب:

«انا كنت عايز اشوفه غاسلها ولا لا علشان ميجيلوش امراض

انا نازل منكم لله.. مفيش تفاحة.. ولا حنة فطيرة» ثم أكمل

بغيط:

أروح الحق الواد يسري قبل مايخلصها.. الواد اتسرع كأنه أول

مرة يشوف التفاح...

ورحل الشيخ (سالم) وهو يحاول أن ينظر إلى داخل الشقة

باحثاً عن التفاح بعينه.

\*\*\*



## في الحارة

كانت (نوسة) عائدة من منزل الشيخ (سالم).. وهنا نادى عليها  
بصوتٍ منخفض:  
نوسه يا نوسه.  
وهنا التفتت إليه.. فوجدته أمامها... إنه (صلاح) مدرس اللغة  
العربية  
وشقيق صديقتها (نوال) من حارة الغزول..  
فقالت نوسة بخجل:  
صلاح ايه اللي جابك الحارة؟  
جي عشان اشوفك يا نوسه وحشتيني وبقالك كام يوم مش  
بتيجي لنوال.  
فابتسمت بخجلٍ ”انت بتقول ايه يا صلاح اسكت احسن حد  
يسمعل.“  
طيب مبقتيش تيجي ليه؟  
مشغوله اووى اليومين دول وجدتي وصلت من البلد ومش  
فاضية.  
وكلمتي ماما على موضوعنا؟

انت عارف ان ماما استحالة توافق بيك يا صلاح.  
ليه يا نوسه؟  
علشان العداوة اللى بينها وبين حارة الغزول وانت من حارة  
الغزول.  
عداوة ايه بس هو احنا في حرب بلاش كلام فارغ.  
انا هاجي اتقدملك رسمي يوم الخميس وعندي أمل إن اهلك  
هيوافقو ونكون  
مع بعض يا نوسه.  
وهنا أسرع (نوسة) تجري من أمامه وهي تقول:  
انت مجنون؟  
مجنون بحبك يعني اجي يوم الخميس؟  
فلم ترد عليه بل هزت رأسها بخجلٍ وأسرعت تركض إلى  
المنزل..  
دخلت نوسه المنزل ووجها أحمر... فشاهدتها أمها التي كانت  
تربط رأسها بمنديل..  
وتضع يدها على خدها:  
مالك يا نوسه وشك احمر كدة ليه وبتنهجي في حاجة حصلت  
ولا إيه؟  
”لا يا ماما بس تعبانه وعايضة ارتاح شويه“... ودخلت تركض



إلى غرفتها

فوجدت أباهما نائماً على السرير، فخرجت بضيقٍ من الغرفة...  
ثم ذهبت إلى المطبخ وجلست هناك، فلقد كانت تريد أن تكون  
وحيدة

فهي تحب صلاح منذ سنين... وهو يحبها ويريد التقدم لخطبتها  
ولكنها تعرف بأن أمها لن توافق... لأنه من حارة الغزول  
وهي لن تسمح لها بالعيش بحارة الغزول بقيادة (نفوثة العموشة)  
زعيم وقائد الحارة، ولكن ماذا سيحدث يوم الخميس عندما  
يتقدم

صلاح لخطبتها؟... وهنا رفعت يدها إلى السماء تتضرع إلى  
الله

أن توافق أمها على الخطبة..

\*\*\*



## في تمام التاسعة

في منزل الأسطى حنفي  
كانت الكبيرة تجلس على السرير في غرفة (عدلات وحنفي)  
وتتغطى باللحاف الأحمر الفير...  
وتنادي على (رئيفة) إحدى وصيفاتها من الصعيد:  
بت يا رئيفة.  
نعم يا كبيرة عاوزة حاجة؟  
روحي اطلقي صفارات حظر التجوال وعرفي اهل الحارة ان  
الكل يرجع بيته من ٩  
ملقيش مخلوق في الشارع والقهوة اللي على اول الحارة تنقل  
بلاش قلة قيمة كل راجل يروح يغور  
يقعد مع مراته وولاده... بلاش فلوس تنصرف على الحرام  
وبيته اولي.  
عندك حق يا كبيرة والله.  
وبلغي حريم الحارة اني هعمل تفتيش على العيال الصغيرة  
واللي هلاقي ولدها ضوافره طويله..  
ولا شعره في قمل ولا مش نضيف هسود عيشتها.. حريم دماغها



فاضیة ومہیش لاقیہ حد یحکمہا.

حاضر من عيوني يا كبيرة .

وهنا دخل حنفي إلى غرفته قائلاً:

معلى يا كبرى.. هاخذ هدمى علىان رايح الورشة.

ورشه ايه يا ولدي في نص الليل؟

نص الليل ايه يا كبيرة دي لسه الساعة مجتش تسعة؟

العشا ادنت وحظر التجوال بدأ.. هتخرج تروح فين ومين هيجي

يشترى منك حاجة..

## في الوقت المتأخر دا؟

ليه يا كبيرة الحرب خلصت من زمان وايه لزمته حظر التجوال

## هي الناس ناقصة خانقة؟!

بتقول حاجة يا حنفي؟

”لا ولا حاجة هروح اصلي العشا وانام... تصبحي على خير.“

## وهنا نادت

## الكبيرة قائمة:

بت يا ربيعة.

نعم يا كبيرة خدي الحريم بالسلاح واطلعوا لو لقيتو حد في

## الحارة اضربوه بالنار.

”من عنيا يا كبيرة.“ وبعدها خرجت (رئيفة) من الغرفة ونظر



(حنفي) برعبٍ إلى الكبيرة..

وهو يهمس لنفسه:

منك لله يا عدلات ربنا ينتقم منك يا بعيدة جبتلنا مصيبه الحارة

دي

ولا هركليز يا ولاد ضرب نار... يا نهار ابيض..

\*\*\*



## وصول نبوية

في الصباح الباكر وفي تمام الخامسة فجرًا سمع أهل الحارة  
صافرات الإنذار  
للاستيقاظ من النوم، وسمعوا الميكروفونات وهي تنادي كل  
الرجال والأولاد  
الصغار أن تنزل تصلي الفجر حاضر وتفطر وتذهب لأكل  
عيشها.

ضرب النار هيتدي بعد ربع ساعة..  
وهنا بدأ سكان الحارة في التوافد على المسجد لأداء صلاة  
الفجر ثم الذهاب إلى أعمالهم...

وبعد الصلاة سمعوا الميكروفونات وهي تنادي:  
فطري جوزك يا حرمة انتى وهي قبل مايروح يشوف اكل عيشه.  
عاد (حنفي) من صلاة الفجر، فوجد (عدلات) قد أعدت له  
الإفطار

فتعجب قائلاً:

والله الكبيرة دي عظيمة اول مرة من يوم متجوزنا من عشرين

تحضريلي افطري يا عدلات.  
هما كام يوم وكل حاجة هترجع زي الاول... منك لله انت  
السبب في العذاب اللي احنا فيه.  
ليه هو انا اللي بعث اجيب الكبيرة من البلد؟  
مش بسبب لحافك الفيبر يا حنفي؟  
وانتي لو كنتي خلتي اتغطي باللحاف الستان الاحمر مكنش  
كل دا حصل.  
نعم يا خوي لحاف ايه اللي هتتغطي بيه والله بعينك.  
اهي امك فرشت الدرايه وبكرة تتغطي باللحاف الاحمر.  
اسكت يا حنفي واخزي الشيطان على الصبح انا معرفتش انا  
طول الليل.  
ليه يا هولاءكو معرفتش تنامي مانتى كنتى عماله تتقلبي على  
السريزى المصارعين.  
”بقولك اسكت بقى يا حنفي واخزي الشيطان.“ وهنا رفعت  
طبق الفول عاليًا  
وهمت بإلقائه في وجه (حنفي) عندما دخلت أمها الكبيرة  
صارخة في وجهها:  
بتعملي ايه يا بت يا عدلات هي دي آخرة التربية اللي ربتهالك





النجع وحرقوا لسان الحريم ...  
الستات كلها هتبقى خارسه“ .. وبعدها أطلق (حنفي) ضحكةً  
عاليةً

بسعادةٍ، فقالت (عدلات) بغیظ:  
يا اما انتى مش ناوية ترجعي النجع قريب؟ ...  
”لا لسه شويه لما نعدل المايله الاول .. غوري حضريلي الفطور  
جوة في اوضة النوم.  
وعلى المفروش الاحمر .. عايزة عسل وفطير وقشطة.“ وبعدها  
انصرفت

الكبيرة إلى غرفة نوم (عدلات وحنفي)  
وصرخت (عدلات):  
يا مصيبيتي السودا يا خسارة درابيتي الحمرا... عسل وقشطة  
وفطير يا  
لهوووووووووى

\*\*\*





فردت (فكيهة):

ايوه يا عدلات مشكلة زينب بنتي وجوزها حمد يا اختي انا  
زهقت.. كل شويه اصرف عليها ولا كأنها لسه متجوزتش هعمل  
إيه؟

مشكله زينب وحمد مش هتتحل يا فكيهة غير لما الشيخ سالم  
يموت.

يعني يروحوا يموتوا الراجل يا عدلات بس؟  
لا بس الراجل بخيل ومش هيطلع قرش وهو عايش... تستنى  
بقى لما يموت وبعدين تورث هي وجوزها.  
وانا لسه هستنى لما يموت... يا عدلات ايه الكلام اللى ملوش  
طعم ولا ريحة دا.

تقصدي إيه يا فكيهة؟.. حافظي على كلامك يا ام زينب.  
احافظ على كلامي ايه انتى اللي بتقولي كلام غريب.. واتغيرتي  
من يوم الكبيرة ماوصلت،  
ومن يوم اللحاف الفبير الاحمر اللى جوزك جابه وقل قيمة  
الحارة كلها وخلصنا مسخرة الحارات.  
انتى هتغلطي يا فكيهة... لحاف ايه ماخلاص الكبيرة شالته  
للبت نوسه في شوارها.  
وكمان بتكذبي يا عدلات... انا شايفة الكبيرة مستغطيه بيه



وفارشه المفرش الأحمر على السرير

وهنا صرخت النساء بحرقه:

يا لهوووووووي الكلام دا حقيقي يا عدلات.. يا شماتة نفوثة

العموشه فينا يا لهوي.

وهنا صمت (عدلات) ولم تتكلم... فماذا ستقول بعد أن

ضاعت هيبتها... أمام النساء..

فماذا ستفعل وهنا صرخت (أم إمام) بفزع:

”يا لهوي ريحه شياط.. يظهر ان البراد ميتة اتبخرت“ .. وبعدها

## دخلت تجري إلى

المطبخ فلقد نسيت (براد الشاي) على النار وانشغلت بالكلام

مع النساء

فسمعوا صراخها المستغيث بأن ينجدها أحدهم، فلقد اشتعلت

## النيران بالمطبخ

فسمعن صراخها وشاهدن النيران المشتعلة، وفرت كل سيدة

تنجوا بحياتها وهي تصرخ

وخرجن جميعاً من الشقة التي التهمتھا النيران سريعاً... وكان

يصرخن بعنفٍ ويولولن..

وتجتمع رجال الحارة لإطفاء الحريق....

\*\*\*

وفي تلك اللحظة وصلت إلى الحارة.... الست (نبوية المفترية)  
زعيمة

(كفر المفتري ميقدرش عليه إلا القوي) وبرفقتها أربعة رجال...  
ملثمون بالأسود لا يظهر منهم إلا عيونهم.

”نينجا كفر المفترى” ويرتدون جلابيبًا سوداء اللون ويلفون  
وجوههم بـ(شيلان) سوداء وكانت الحارة في حالة هلع  
ويحاول الناس إخماد الحريق فلقد تأخرت  
سيارات الإطفاء وهنا صرخت (نبوية):  
نينجا الكفر الحق واخمد الحريق.

فردوا عليها بصوتٍ واحد:  
نينجا نينجا استعد... ورفعوا جلابيبهم وامسكوها بأسنانهم، ثم  
أسرعوا

على الحريق يركضون،  
ووقفت نبوية تنظر بهلع لهذا الحريق الهائل، وهنا جاءت إليها  
الكبيرة قائلة:

نبوية المفترية.. كيفك الخير على قدوم الواردين.  
الكبيرة فتكات.. انتى هنا يا كبيرة كيفك ويمكن الخير بوجود  
القاعدين.

ايه اللي جابك يا نبوية يا عمدة كفر المفترى؟





ونظرت (نبوية) إلى (عدلات):

مش هتيجي تسلمي على مرت عمك يا عدلات اللي جاية تقعد  
عندك خمس ست شهور؟!!!  
والله متوحشاكي يا بتي.  
ايه هتقعدى كام شهر؟... اهلا يا مرات عمي منورة كيفك...  
وايه اللي جابك؟

\*\*\*

وقفت (عدلات) في غرفتها تصرخ في وجه أمها الكبيرة قائلة:  
انتى بتقولي ايه يا كبيرة عوزاني اودي اللحاف الستان الاحمر  
لحماتي تستغطى بيه؟!  
ايوة دي الاصول يا بتي... مينفعش اتغطى انا بلحاف احمر  
وحماتك لا  
الاصول متزعلش يا بتي.. واحنا ناس تعرف العيبه يا عدلات.  
انتى بتقولي ايه يا كبيرة.. دانا بستخسر استغطى بيه انا وجوزي...  
تيجى نبويه تاخدة على الجاهز..  
يا مراري الطافح.  
ومين منعك تستغطي بيه يا بتي...  
وازاي استغطى بيه دا ورثي واملي في الحياة.





حماتها...

\*\*\*

كانت (نبوية) تقف أمام منزل (حنفي)  
تنظر إلى نينجا رجال (كفر المفتري) وهم ينصبون الخيام  
لينامون فيها  
فقالت (نبويه):  
ها يا رجاله عملتوا المعسكر للتخيم؟  
تمام يا ست العمدة.  
بس عايزين الوكل علشان ننام عندنا تمرين الفجر باكر.  
”حاضر يا نينجا كفر المفتري“... وبعدها دخلت (نبوية) تنادي  
على زوجة ابنها (عدلات)  
بت يا عدلات..  
ايوة يا مرت عمي.  
الوكل للرجال اوام النينجا عندهم تمرين باكر مش واخدين  
على السهر.  
حاضر يا مرات عمي من عنيا وسهر ايه بس دي لسه الساعة  
مجتش ٨  
هما مش واخدين على السهر لنص الليل وفرشتي الاوضة اللي  
هنام فيها؟



ايوة يا مرات عمي...

طيب تمام علشان انا عاوزة انام شوية.

وهنا خرجت الكبيرة من الغرفة وهي تقول:

يا نبويه النينجا عملوا خيام لأسرة الحاج زكي اللي بيتهم راح

## في الحريقة؟

ايوة يا كبيرة نصبوا الخيام وخرجولهم الحاجة السليمة من

الشقة... بس النار أكلت كل حاجة تقريبًا..

ربنا يكون في عونهم بس بركة انهم بخير وبعدها كل حاجة

تتصلح.

عندك حق يا كبيرة الحمد لله.

من بكرة يا نبويه نينجا الكفر هير وحو ايلموا من كل شقة خمسين

## جنيه علشان نوضب شقة..

## الحاج زكي ونبدل العفش... لازم الحارة كلها تدفع.

عندك حق يا كبيرة.. لازم نساعد بعض في المحنة والشدة واللي

مش هيدفع نينجا الكفر هتعلقه..

من رجليه على باب الحارة عشان يكون عبرة لمن يعتبر.

لا لا يا نبويه بلاش افتري على الخلق... اللي ميدفعش اضر بوه

بالنار احسن.

صح يا كبيرة الافتري وحش بردو واحنا ناس تعرف ربنا.



## خيام الإيواء

جلست (أم إمام) تبكي بقهرٍ داخل الخيمة التي نصبها لها نينجا  
(كفر المفترى)  
وقال (أبو إمام):  
منك لله يا ام امام حرقتي البيت وبقينا في الشارع... كنتي بتهبي  
ايه وقت  
الحريقه؟!.....

دا نصيب يا ابو امام.. كل حاجة ضاعت حتى لحافي البمبي  
ودرايتي اللي عمري ما استغطيت بيهم.  
يعني كل اللي همك اللحاف والمفرش.. منك لله مانا قولتلك  
ميت مرة افرشيهم يا ام امام...  
نفسي ادفي بيهم البطانيه الصوف هرتلي جسمي وعملتلي  
حساسية وانتى منك لله يا وليه مبتحشيش  
اهو خلاص كل حاجة راحت يا اخوي... من عينك ونبرك.  
من عيني انا حسبي الله ونعم الوكيل... اتخمدني احسن اطلع  
غلبني فيك.. اخرتنا ننام في الشارع.

\*\*\*



وفي تمام الخامسة صباحًا

صافرات إنذار الاستيقاظ من النوم لصلاة الفجر، ثم الذهاب إلى العمل بأوامر الكبيرة ..

وبعدها انتشار رجال نينجا (المفتري)... لجمع الخمسين جنيه  
من كل منزل من الحارة بالإكراه..

وعند اعتراض أي أسرة على المبلغ يقوم رجال الكفر بختف أي طفل صغير بالمنزل...

أو تهديد أهل المنزل بالسلاح.. دفعت الحارة الخمسين جنيهاً ولم يتبق إلا منزل الشيخ سالم،

فطالبوة النينجا بدفع ١٠٠ جنيه عنه وعن ابنه لأنه يعمل عنده.  
فقال الشيخ (سالم):

۱۰۰ جنیہ قلبی قلبی هموت.

## رجال الكفر:

ادفع الأول وبعدين موت يا شيخ سالم.. معندناش وقت للكلام الكثير.

ماتأخذوا الواد يسري فدية وانا اوعدكم اني مش هدفح حاجة..  
ممکن تشغلوه متسول هيچبلکم دهب.

اخـلـص يا شـيـخ سـالم .. هـتـدفع و لا نـفـرتـك دماغـك بالـرـصاـص .  
لا لا هـدفع هـدفع ... بـس كفاية خـمـسه جـنيه ...

١٠٠ جنيه ماينقصوش مليم احمر..

طيب هدفع ٥ وهقسط خمسة...

ها هتدفع ولا نفرغ البارود في دماغك ياراجل يا بخيل؟

«حاضر هدفع... خدوا الله ي يقعوا منكم يا ظلمة وانا اللي

الاقيهم يارب يا ظلمة فلوسي.. اه يا قلبي هموت هيجيلي شلل

نصفي.» وبعدها سقط الشيخ (سالم) مغمى عليه على الأرض وهو

يحلم بالمئة جنيه التي سيجدها عندما تقع من النينجا.

\*\*\*

وصل رجال (كفر المفترى) إلى منزل (الأسطى حنفي) فقالت

(نبوية):

ها يا نينجا لميتو الإتاوة من اهل الحارة؟

ايوة يا ست العمدة كله تمام.

طيب ادي الفلوس للكبيرة.

لا لا يا نبويه.. خلي الفلوس معاكي روحوا يا نينجا اشتروا

بويات وادوات النقاشة..

وابدأوا في توضيب شقة الحاج زكي.

تمام يا كبيرة...

وانصرف النينجا لاداء مهمتهم الصعبة التي كلفتهم بها الكبيرة

لتبييض



وتوضیب شقة زكي.



في الصلاة كان (حنفي) يجلس مع أمه (نبوية المفترية)  
في ايه يا حنفي يا ولدي مالك.. شكلك مش عاجبني.  
لا يا اما ولا حاجة.. بس بقالي كام يوم مش عارف انام على  
الارض من ساعة الكبيرة  
ماشرفت وحياتي اتبهذلت...  
اكنم يا واد يا حنفي.. وعائز الكبيرة تنام على الأرض.. انت لسه  
شباب

والأرض ترم العضم وتخرج الرطوبه من الجته.  
يا امي هي لحمة هترم العضم... انا مبقتش قادر استحمل دا  
حتى اللحاف اللي كان نفسي  
فيه أخذته تستغطي بيه.  
اللحاف الفيبر الاحمر.. والله يا ولدي اللحاف الفيبر بيدفي  
زين.

وانتى عرفتى منين يا اما؟  
الكبيرة الله يسعدها اعطتهولي استغنى بيه امبارح.. والله يا  
ولدي زين.

الكبيرة ادتهولك.. وهو كان بتاعها بتوزع فيه يا ناس حرام

عليكم والله.

اخرس يا واد يا حنفي... وقوم شوف الرجاله خلصوا شقة  
الحاج زكي

ولا لسه وبلاش حديث فارغ ملوش لازمة يا ولدي.

وهنا همس (حنفي) لنفسه:

يعني انا جايبك علشان تقفي للكبيرة يا امي تقومي تقفي ضدي..  
منك لله يا عدلات انتي السبب.

\*\*\*

يا لهوووووووووي.. صوت صراخ في الحارة...

وهنا فتحت الكبيرة نافذة غرفتها، وتساءلت ماذا يحدث؟

فيه ايه يا ولاد ومين بيصوت على الصبح؟

فردت عليها (أم شوشو):

الحقينا يا كبيرة الواد حمد هرب وساب مراته وعياله والشيخ

سالم

المفتري طرد البت زينب وعيالها في الشارع.

«يا بي يا بي على شغل الكفرة واليهود.» وهنا أسرع الكبيرة

تغادر المنزل إلى

بيت الشيخ (سالم)

فوجدته يصرخ في وجه زوجته ابنه:



برا البيت انتى اللي طفشتى ابني عماله تخلفي تخلفي كل  
شويه... غوري  
منك لله.  
وهنا قالت الكبيرة:  
يا راجل يا مخبول بخلك هو اللي طفش ابنك... نينجا كفر  
المفتري.  
وهنا أتى رجال (النينجا) من خلف الشيخ (سالم) وقالت  
الكبيرة:  
-كتفوة واضربوه بالنار.  
حرام عليكى يا كبيرة.. ارحمينى انا راجل كبير ومش حمل  
البهدلة دي.  
وانت مش حرام عليك ترمي لحمك في الشارع.. وعيال ابنك..  
طفشت ولادك بدل ماتخدهم..  
في حضنك ...  
لا لا سامحيني يا كبيرة وارحميني.  
مفيش رحمة.. طخوه بالنار يا نينجا الكفر وخلصونا منه ومن  
شره.  
لا لا يطخوامين يا حاجة استنى شويه.. حرام عليكم هعمل اللي  
انتوا عايزينه.



هتكتب الشقة اللي ساكنه فيها زينب باسمها ونص إيراد المحل  
كل شهر ليها ولعيالها.  
لا طخوني احسن بالنار اه.. قلبي قلبي الشلل رجعلي ثاني في  
قلبي.  
اضرب النار يا نينجا.  
وهنا صرخ الشيخ (سالم): «حاضر موافق موافق... بس سييوني  
اعيش انا لسة صغير على الموت.  
وعاوز اعيش شبابي يا كفرة.» وبعدها أطلقت سيدات الحارة  
الزغاريد...



## العريس

في تمام التاسعة  
ذهب صلاح وأمه وأبوه وأخته (نوال) إلى (حارة النبراشي)  
ليتقدم لطلب يد (نوسة) ولكنهم وجدوا الحارة خالية  
من البشر والمحلات والمقاهي مغلقة، فقال الأب:  
ايه يا صلاح يا بني انت مودينا حارة اموات ولا ايه؟  
مش عارف يا بابا... يمكن نايمين؟  
وفي حد يا بني بينام من الساعة تسعة.. دول ولا الكتاكت...  
فقالت نوال:  
فيه حاجة غريبة انا خيفة اوووى يا صلاح الحارة فاضيه ليه  
كدة... ومفهاش صريخ ابن يومين.  
فردت الأم:  
يمكن جالهم وبا يا بتي... زي حارة عاشور الناجي يعني ملقتش  
غير حارة  
النبراشي وتخطب منها ماحارة الغزول البنات فيها زي القمر  
بس انت اللي فقري...



يوه يا ماما احنا مش اتكلمنا في الموضوع دا كتير قبل كده  
حاضر يا خويا مش كفاية هتخطب واحدة اسمها نوسه يا موكس  
نوسه

دا اسم انقرض من ايام اغنية نوسه يا نوسه حلوة يا ننوسه.  
خلاص بقى يا ماما ارجوكي... وهنا شاهدوا خيام (نينجا كفر  
المفتري)

أمام منزل (الأسطى حنفي) وعليها علامات سوداء ومكتوب  
خطر مميت

احترس من (النينجا) فقالت (نوال):  
خطر مميت ايه دا هي الحرب قامت يا بابا وامريكا احتلت  
الحارة وعملوا معسكرات تخيم في  
الحارة... ولا ايه؟؟

والله ما انا عارف يا بتي.. يلا يا واد يا صلاح نرجع انا قلبي  
متوغوش لتكون اسرئيل احتلت  
حارة النبراشي.

وهنا رد (صلاح) بضيق:  
ايه اللي بتقوله دا يا بابا ويعني اسرئيل ملقتيش غير حارة النبراشي  
وتحتلها دوناً عن مصر كلها؟؟

وهنا خرج لهم أحد الرجال بملابسه السوداء ووجهه المثلث



## قائلاً بعنف:

انتم مين وعايزين ايه؟.. انطقوا بدل مانطخكم بالنار وملكوش  
ديه انتم اللي اعتديتم على ارضنا..

ارضكم مين بس يا عم.. هو مش دا بيت الاسطى حنفي السباك..  
ايوه تقصد المهندس السباك حنفي ابن ست العمدة.

المهندس السباك... ماشي يا سيدي هو.. احنا عايزين نروره.

ليه وياه سبب الزيارة اللي في نص الليل دي؟

نص الليل دي الساعة لسه داخله على تسعة يا عم؟

بس دا ميعاد نوم الحارة ممكن تيجوا الصبح باكر.

باکرایه احنا عایزین الاسطی حنفی...

باکر یا فنڈی المھندس نايم هو وعيلته دلوقتي ... ومينفعش

نزعهم يلا من هنا بدل ما اطحك بالنار.

وهنا رفع الرجل سلاحه، فصرخت (نوال) وأمها وأخذوا

يركضون من الحرارة

فارين من السلاح الموجه إلى رؤوسهم...

\*\*\*

## في اليوم التالي

ذهبت (نوسة) لإحضار بعض الخضروات من السوق، وهنا

سمعت من ينادي عليها فالتفت لتجده

هو بعيونه البنيه ونظارته الطبية يتسم..  
إنه الأستاذ (صلاح) أخو صديقتها (نوال) وأول حب بحياتها...  
نوسه يا نوسه مبرديش عليا ليه...  
وهنا قالت بخجل:  
صلاح ايه اللي جابك هنا دلوقتي احسن حد يشوفني؟  
امبارح جيت الحارة ومعايا بابا وماما ولقيت حاجة غريبه  
اوووي هو ايه اللي بيحصل في الحارة  
ومين الناس دي؟؟  
وهنا ابتسمت (نوسة) رغماً عنها قائلة:  
دول نينجا كفر المفترى حراس ستي العمدة..  
ستك العمدة ونينجا الكفر.. انا مش فاهم حاجة يا نوسة دول  
منعوني ادخل انا وعيلتي امبارح.  
وقالولي اجي باكر..  
معلش يا صلاح اصل الحارة كلها بتنام من الساعة تسعة بأمير  
الكبيرة ستي فتكات..  
انا همشي احسن حد يشوفني وتبقى مصيبه..  
لا استني هتمشي ايه وهنعمل ايه في موضوعنا؟..  
موضوع ايه؟..  
«انتي بتهزري موضوع حبنا».. وهنا احمر وجهها خجلاً،



وأخفت وجهها وشهقت بفرع..

وفي تلك اللحظة شعر (صلاح) بالقلم ينزل على وجهه، ومن  
يمسك بملابسه من الخلف قائلاً:

«موضوع ايه يا خويا.. تعالى معايا وانا هوريهولك»... وهنا صرخت (نوسة) وهي ترى أحد رجال (نينجا كفر المفتري) يمسك (صلاح) من قميصه ويدفعه أمامه مهدداً إياه بالسلاح..

فحاولت أن تتكلم، ولكن نظرة واحدة من عيون رجل (النينجا)  
أخرستها وجعلتها تبتلع لسانها...  
ذهبت (نوسة) خلف (صلاح) ورجل (النينجا) الملثم يجره  
أمامه مهدداً ...

وكانت تفكر فيما سيحدث لها من جدتها العمدة (نبوية) ومن جدتها الكبيرة ومن أمها وأبيها..  
فصرخت بفزع:

يا للمصيبة ماذا سأفعل؟..أخذت تفكر ولكن عقلها لم يهدها  
إلى حل.

وسمعت صوت رجل (النينجا) يصرخ في وجه (صلاح):  
دانت يومك اسود بتعاكس بنت البشمهندس السباك..  
فرد (صلاح) وهو يصرخ:

«عيب كدة انا مدرس لغة عربية محترم.» وهنا وجد القلم على  
قفاه... جعله يخرس ويبتلع الكلمات في فمه.  
خرجت (نبوية) من الشقة وهي تتساءل؛ ماذا حدث:  
فيه ايه يا نينجا الكفر؟..  
الحقي يا ست العمدة.. لقينا بصباص وجاسوس بالحارة  
بيعاكس الست نوسه بت الباشمهندس.  
فصرخت (نبوية):  
يا لهوي بصباص وبيعاكس بت ولدي في وجود العمدة نبوية..  
هاتوهولي يا رجاله على جوة..  
وهنا دفع الرجال (صلاح) إلى الداخل..  
وصرخ أحد رجال (النينجا):  
دا الجاسوس بتاع امبارح يا ست العمدة اللي لسه بحكيك  
عنه..  
فنظرت (نبوية) إلى (صلاح) بشك ولم تنطق... ودخلوا جميعاً  
إلى منزل (الأسطى حنفي)  
وهنا خرجت الكبيرة من حجرتها متسائلة:  
فيه ايه يا نبويه.. مال النينجا عاملين غاغا على الصبح ليه؟؟  
مسكوا جاسوس وبصباص بيعاكس البت نوسه..  
نوسه.. وهنا نظرت الكبيرة إلى (صلاح) فكانت هيئته لا توحى



بأنه يعاكس..

فنادت على نوسة التي كانت تبكي بقهر..  
«مين دا يا نوسه».. فنظرت (نوسة) إلى الكبيرة برعبٍ قائلة:  
دا أستاذ صلاح أخو صاحبتي نوال يا ستي الكبيرة..  
وكان عايز منك ايه يا نوسه؟..  
فلم ترد (نوسة) وهنا اندفع (صلاح) قائلاً:  
كنت عاوز اخطبها يا كبيرة..  
واللي عاوز يخطب يتحدث في الشارع مع الحريم.. ليه ملهاش  
اهل تحدثهم ..

يا ولدي ايه الحديث الماسخ دا؟؟؟  
 «لا يا حاجة انا جيت امبارح مع امي وابويا والناس دي منعيني»..  
 وأشار على (النينجا) بملا بسهم السوداء.  
 فرد أحد رجال (النينجا):

صح يا كبيرة البصباص ده جه امبارح بعد نص الليل وكان معاه  
 راجل كبير وحرمتين  
 بس البيت كان نايم وماقالوش هما عاوزين ايه من البشمهندس  
 حنفى؟؟

فقولنا لهم يجوا باكر يا كبيرة.

وهنا أشارت الكبيرة لرجال (النينجا) ليتركوه.. ويخرجوا

لاستكمال شقة الحاج زكي... واعتذرت لـ(صلاح):  
معلش يا ولدي بس المفروض متكلمش مع البت غير لما تكلم  
اهلها الاول.

هو انا عارف اوصل لحد فيكم يا كبيرة دانتو ولا اسرائيل  
ومخيمات واسرى حرب هو فيه ايه بالظبط  
بيحصل في الحارة؟!  
فردت (نبوية):

ماتخدش في بالك يا ولدي ومتزعلش من رجالة النينجا هما  
كدة دمهم حامي ومبيستحملوش الهوا  
على نوسه بت ولدي حنفي...  
خلاص يا حاجة حصل خير المهم ايه رأيكم انا أستاذ صلاح  
باشغل مدرس عربي في المدرسة الابتدائي  
اللي اول حارة الغزول وساكن هناك بالحارة في بيت عيله  
وعندي شقة تلت اوض وصاله كبيرة  
وعاوز اطلب ايد الأنسة نوسه..

وهنا دخلت (عدلات) بغضبٍ وهي تصرخ بغیظ:  
لا مش موافقين يا سي الأستاذ معدناش بنات للجواز.. عندك  
حارة الغزول مليانه بنات روح اتجوز  
واحدة منهم..



وهنا قال (صلاح) بحزن:

ليه كدة بس يا حاجة انا شاري نوسه والله اللي انتم عايزينه  
هنفذه.

«قولتلك لا معندناش بنات للجواز»... وهنا قالت (نوسة)

## بحزنٍ ومن بين دموعها:

«ليه يا ماما طيب اسمعي صلاح الأول»... ولكنها قاطعتها

بغضب:

«اخرسي يا بت وخشي جوه».. وهنا وقفت (نبوية) بغضب،

فَقَالَتْ (نُبُوَّة) بَغِيْظٌ:

انتي اتجنستي ولا ايه يا مرات ابني.. بتاخدي قرار من راسك

من غير ماتشوري ولدي ولا عملي احترام للعمدة ولا الكبيرة في

المجلس... يرضيكي يا كبيرة؟..

وهنا صاحت (عدلات) بغضب في وجهها:

«دي بنتي يا حماتي ومش هوديها حارة الغزول.» وهنا وقفت

الكبيرة وقامت بضرب (عدلات) بالقلم على وجهها بقوة قائلة:

«لما تكون مرات عمك العمدة والكبيرة في مجلس تبلي

لسانك ومنتطقيش خالص يظهر اني معرفتش اربي ...

غوري اعلمي الشاي»... وهنا نظرت (عدلات) إلى أمها بغضب

ومن بين دموعها.. وانصرفت..



فقال صلاح بحزن:

مكنش في داعي لكل دا يا كبيرة وانا شاري نوسه ببتكم.. بس  
محبش اكون سبب اي خلاف في العيله.

فردت فتكات:

«انت ملكش دخل يا ولدي الغلط عندنا احنا».. وهنا نظرت إلى  
(نوسة) قائلة:

- خشي يا بت جوه ملهاش عوزة الوقفة دي..

فردت (نبوية):

عندك حق يا كبيرة والله ملوش عوزة قعدة البت دي كدة...

بس يا كبيرة مش الأصول أبوها يكون موجود..

ايوة يا نبوية احنا هنشرب الشاي مع الأستاذ صلاح ونتعرف

عليه ومش هنتكلم

في حاجة غير لما أبوها يكون موجود وأهل الأستاذ هنتظرهم

يوم الخميس يتغدوا معانا الساعة ٢ الظهر.

زين يا كبيرة.

وهنا تنحنح (صلاح) قائلاً:

الساعة اتنين مش بدري يا كبيرة اووي على ميعاد غدا.. متخليها

الساعة سته..

فردت الكبيرة:





اشرب اشرب يا سي الأستاذ الشاي.. احسن تتأخر على  
مدرستك وتلاميذك.

فقلت (نبوية) بترحاب:

اتفضل يا ولدي اشرب الشاي ويوم الخميس نتحدث ان شاء  
الله واللي فيه الخير يقدمه ربنا..

فهز (صلاح) رأسه بحيرة، فهو لا يعرف هل هم موافقون به أم  
لا؟... فهم عائله متناقضة حقاً..

ولكنه مجبر على تحملهم وتحمل مواعدهم من أجل عيون  
حبيبته... نوسه.

\*\*\*

في حجرة نوم (عدلات) كانت تجلس (فتكات) الكبيرة  
وبجوارها (نبوية) عمدة (كفر المفتري)... ويتغطيان باللحاف  
الفيبر الأحمر ويتحدثان بود، قالت (نبوية) بلهفة:  
ايه رأيك يا كبيرة في صلاح المدرس شكله شاري البت  
ورايدها؟..

عندك حق يا نبوية الواد شكله رايد البت والبت نوسه كمان  
رايداه بس في مشكله يا عمدة كفر المفتري.  
مشكلة اية يا كبيرة.. اوعي تقولي انه من حارة الغزول والكلام  
اللي لا يودي ولا يجيب دا.. زي بتك المخبولة.



وانا عقلي صغير اياك يا نبوية كيف عدلات المخبولة... لا بس  
انا شايقة انهم مش مناسبين لبعض..  
مش مناسبين لبعض كيف بس يا كبيرة.. دا الواد شكله صغير  
لسه في العشرينات والبت ١٩ سنه يعني مناسبين في السن..  
انا مش بتكلم على السن يا نبوية بتكلم على التعليم.. البت نوسه  
معهاش إلا شهادة الدبلوم والاستاذ صلاح خريج جامعة ومثقف  
ومتنور ومش هيعرفوا يتواصلوا مع بعض بعد مازهوة الحب تروح  
ومش بعيد يعايرها بالدبلوم.. وتعيش في عذاب ونكد.. ومهان.  
بس نوسة حلوة يا كبيرة ودا يشفعها..  
لا يا نبوية عمر الجمال ميشفع ولا عمره دايم ابدا..  
عندك حق يا كبيرة في كل كلمة قولتيها..  
وهنا نادى الكبيرة على (نوسة) بصوت عالٍ:  
نوسه بت يا نوسه..  
وهنا دخلت (نوسه) إلى الغرفة وخلفها (عدلات) التي كانت  
تريد أن تعرف فيم كانت أمها وحماتها يتحدثان فيه ولكنها أطلقت  
صرخةً عالية... وكادت تسقط فاقدة الوعي من هول ما رأت  
أمامها..  
فلقد رأت أمها وحماتها يجلسان على السرير وعلى مفرشها  
ودرايتها الحمراء..

ويتدفيان بالحاف الفبير الأحمر الذي اشتراه زوجها ليغيطها،  
ولكنه لم يلحق.. أن يلمسه بيديه.

وهنا قالت الكبيرة بغضب:

بتصرخي ليه يا عدلات فيه اية قرصك تعبان ولا ايه؟  
«لا يا كبيرة قرصتني حية».. وبعدها تركتهما ورحلت وهي تدعو  
على زوجها (حنفي) فهو السبب فيما يحدث لها وما تفعله الكبيرة  
معه.. فلولا ما فعله ما كانت أرسلت في طلبها، ولكنه هو السبب..  
قالت الكبيرة، وهي تنظر إلى (نوسة):

اقعدي يا نوسة عايزين نتكلم معاكي انا وستك العمدة.  
اتفضللي يا كبيرة انا تحت أمركم.

ايه رأيك في الأستاذ صلاح المدرس؟

وهنا نظرت (نوسة) للأرض ولم ترد.. فابتسمت (نبوية):  
«البت خجلانه يا كبيرة وشكلها رايداه وهو رايدها زي  
ماخبرتك».. وهنا نظرت لها الكبيرة بضيق وقالت:  
بس انا مش موافقة يا نوسة بأستاذ صلاح.

ليه يا كبيرة صلاح عريس كويس وميترفضتش؟  
لا يا بتي بس انتم مش نفس المستوى التعليمي.. هو خريج  
جامعة وانتي دبلوم.

نصيبي يا كبيرة وامي رفضت تدخلني ثانوية عامة مع اني كنت



## جایة مجموع کبیر فی اعدادیة و قال تلّی

انتي آخرتك بيت جوزك بلا تعليم بلا هباب.

امك دي منها لله يا بتي وحسابها معايا كبير... ضيعت مستقبلك

وهي فاضية غير للجمعية المحروقة

بتاعتها اللي لاحسه دماغها...

طيب يا كبيرة وهو التعليم هيفرق في ايه؟.. احنا بنحب بعض انا

وصلاح من سنين وهو راضي بيا وبالديبلوم.

«بصي يا بتي صلاح دلوقتي سكينه الحب سرقاه بعد سنه ولا

اتنين بعد الجواز الحب هيهذا

ومش هیبقی قدامه غیر اولاده وهیکون عایز یعلمهم احسن

تعلیم و یمن کن یدخلهم مدارس لغات

وانتي لا هتعرفي تذاكري لهم ولا تهبي.. وقتها يا بتي هيحس

بفرق بينك وبينه وهيتمنى انه يكون اتجوز واحدة متعلمة تعليم

عالي..

وغير دا يا نوسه الاستاذ صلاح شكله متعلم ومتنور ويحب

القراية وانتى ملكيش غير فى الطبخ وقاعدة نسوان الحارة مع

امك الله يسامحها مينفعش يا بتي لا هتقدروا تتكلموا مع بعض ولا

## تتشاوروا

وهو بيعاملك على انه احسن منك.. الجواز مش حب بس يا

نوسه يا بنتي في حاجات كثير لازم  
نكون حاسبينها صح ويكون في تكافؤ» وهنا نظرت (نبوية) إلى  
(نوسة) فوجدتها تبكي بحرقة  
من كلام الكبيرة... فقالت بهدوء:  
الكبيرة عندها حق يا نوسة في كل الكلام اللي قالتة.. ولو انتي  
عايزاه يا بتي يبقى تكمللي علامك.  
وهنا التفتت (نوسة) إليها بلهفة قائلة:  
ايوة يا ستي رايداه.. بس هكمل علامي ازاى بس مش فاهمة؟...  
هتدخلي الجامعة المفتوحة يا بتي وتكمللي علامك علشان  
مبيقاش صلاح احسن منك وتقدر واتواصلوا وتتفاهموا مع بعض.  
ازاي يا ستي؟.. امي استحالة توافق والمصاريف وانتى عارفة  
ابويا مش حمل مصاريف جامعة.  
ملكيش دعوة بامك.. الكبيرة موجودة ومش هتقدر تكسرلها  
كلمة والفلوس متشليش همها.  
انا اللي متكفله بيها لغاية ماتتخرجي يا نوسة من الجامعة وهي  
الفلوس والأرض اللي حيلتي هتكون لمين  
يا بتي غير لابوكي؟..  
هو احنا عندنا ارض يا ستي العمدة وفلوس.  
اومال يا بتي.. بس ابوكي هو اللي فقري وكاره كفر المفتري







المرحوم الله يسامحه رفض وكان عاوز يسميه  
دونتلو ويقول لي اسم جنبه طعمها حلو بس انا رفضت وصممت  
على رأيي والآخر سمناه اسم وسط  
بين ميكل انجلوا ودونتلو.. سمناه حنفي...  
بقى حنفي يا نبوية قريب بين دونتلو وميكيلا دا والله انتي كبرتي  
وخرفتي يا عمدة المفتري.  
وهنا ضحكت (نوسه) رغماً عنها قائلة:  
طيب متسيبكم من جو الكرتون دا يا ستي العمدة انتي والكبيرة  
وشوفولي حل في موضوعي.  
موضوعك محلول يا نوسة متعمليهاش غنوة.. قولنا هتدخلي  
الجامعة المفتوحة ولما تخلصي تبقي تتجوزي  
وانا هستنا اربع خمس سنين يا ستي؟  
ومالك ملهوفة على الجواز كدة ليه يا بت.. ابقى اتيلي اتخطبي  
وبعد كده الجواز.. وغوري عايزة اتكلم  
مع الكبيرة في موضوع مهم اطلعي برا يلا..  
وهنا خرجت (نوسه) وهي تطير من الفرح والسعادة فأخيراً  
ستزوج بحبيبها (صلاح)  
ولكن هل سيوافق على دخولها الجامعة المفتوحة..





من غير فيبر ولا يحزنون)  
وبعدها أطلقت ضحكةً عاليةً، وهنا نظر لها (صلاح) بقلق:  
ابوس ايدك يا امي سيبك من اللي في دماغك.. وبلاش موضوع  
الفيبر دا وخلي الليله تعدي على خير.  
عارف يا صلاح يا اخويا.. امك وافقت تروح حارة النبراشي ليه  
ليه يا نوال هانم؟؟  
علشان تشوف اللحاف الفيبر اللي عم حنفي اشتراه وتصوره  
لخالتي نفوثة زعيمة الحارة..  
الكلام دا حقيقي يا ماما؟.. الله يخليكي متبوظيش الجوازة انتي  
عارفة اني بحب نوسه ومش هتجوز غيرها.  
والله البت دي عملالك عمل وخلتك تحبها كدة ومالهم بنات  
حارة الغزول يا ناري يا فارستي  
بقي يا واد تروح تجبلنا عروسة من حارة النبراشي.  
«احنا مش هنخلص من الموضوع دا يا ماما انا زهقت..» وتركها  
(صلاح) ورحل مغادرًا المنزل  
وأخذت الأم تنادي عليه بصوتٍ عالٍ، ولكنه لم يلتفت إليها  
وغادر المنزل..  
فنظر لها الزوج بغضب:  
انتى مش هترتاحي غير لما ابنك يطفش من البيت ومنعرفلهوش



مكان يا فوزية.. مالك انتي متسبيه يتجوز

اللي عايزها هو انتي اللي هتجوزي يا وليه؟!.. حارة النبراشي  
ولا حارة الشياطين الزرق..

انا خايفه على مصلحته يا ربيع وبنات حارة النبراشي وحشين  
ودمهم تقيل ونكديين..

فردت (نوال):

حرام عليك يا ماما دي نوسة زي القمر ودمها خفيف وزى  
السكر وانتى بتحبيها من زمان.

ايوة بحبها لكن دي من حارة الأعداء يا بنتي وفي بينا حرب.  
أعداء ايه بس يا ماما والحرب انتهت من سنين؟.. كبري دماغك  
وسيبك من الكلام الفارغ دا ومن كلام خالتي نفوثة المجنونة دي  
بدل متخسري ابنك للأبد وشوفي مصلحتك فين واعملها.

ايوة يا نوال يا بنتي قوليلها وفهميها.. ربنا يكملك بعقلك يارب  
ويرزقك بابن الحلال اللي يسعدك  
وهنا نظرت لهم الأم بغیظٍ ولم تنطق..



## صندوق الإعانة

في منزل (الأسطى حنفي السباك) وبغرفة نومه كانت الكبيرة  
(فتكات) و(نبوية المفترية) عمدة (كفر المفترى)  
يجلسان على سرير (عدلات) وعلى مفرشها الأحمر ويتغطيان  
باللحاف الفيبر الأحمر.. لحاف (حنفي) الذي  
لم يستخدمه قط..

فقلت (نبوية) بغضب:

شوفتي يا كبيرة حال الناس عامل ازاى؟؟  
عايشين ولا اليهود ولا كفار قريش.. بقي الراجل زكي بيته يولع  
والنار تاكل كل شيء ومحدث

يفكر يساعده وبالعافية يدفعوا التبرعات خايفين من السلاح.  
عندك حق يا نبوية الناس خلاص كل واحد يقول نفسي نفسي  
ومحدث بقى يسأل عن حد.. دانتى

مش بعيد تلاقي بيت جعان نام من غير عشا والبيت اللي جنبه  
راميين الأكل في الزباله من الزيادة  
والافتري وميفكروش في الجار اللي نام هو وعياله من غير



عشا.. خلاص القيامه هتقوم يا عمدة كفر المفري.

عارفة يا كبيرة انا عندي بالكفر مفيش بيت ينام من غير عشا ولا  
ينقصه شيء.. عاملين صندوق صغير اسمه صندوق اعانة الكفر  
وكل بيت لازم كل اول شهر يحط مبلغ بسيط فيه عشرين جنيه  
والصندوق

ما يفتح أبداً إلا وقت الحاجة..

## وايه هو وقت الحاجة يا نبوية..؟؟

هقولك وقت الحاجة يا كبيرة لما تحصل مصيبه لأي بيت  
بالكفر يعني بيت يولع أو يقع أو حد يموت ولا واحد يمرض  
ويحتاج علاج كثير أو عملية.. أو عروسة يتيمه محتاجة شوار أو  
أهلها غلابه مش عارفين

يستروها يقوم مسؤول الصندوق يفتحه ويعطي اللي فيه للمحتاج  
من أهالي الكفر.. مهو احنا

لازم نقف جنب بعض وقت الشدة بس المصايب والبلاوي  
بتيجي مرة واحدة

ومحدثش بيكون عامل حسابها علشان كدة عملنا صندوق الإعانة والإغاثة.

والله يا نبوية انتي بتعرفي تفكري وفكرة زينه صندوق الإعانة  
دا.. لو اتعمل في كل شارع فعلاً لو حصل لأي حد مصيبه في أي

وقت هيلاقى اللي يقف جنبه ويساعده ولازم الناس تحس ببعض..  
احنا مش عايشين كيف اليهود مع بعض..  
داحنا بقينا أوحش من اليهود يا كبيرة والله.. لا الأم ولا الأب  
بقوا يسألوا عن أولادهم ولا يهتموا بيهم بعد الجواز ولا العيال  
بقيت عارفة قرايبها لا اعمام ولا اخوال ولا الدنيا بقى فيها خير من  
الأساس.

صدقتي يا عمدة المفترى.. دانا بتي عدلات بقالها سنين مجتش  
تزور النجع ولا تسأل عن قرايبنا هناك فعلاً  
القيامة هتقوم خلاص يا ولاد.. بس عجبتي الفكرة تسلم  
دماغك يا نبوية بس قوليلي مين اللي بيجمع الفلوس من الأهالي  
وكل الناس بتدفع؟  
النينجا يا كبيرة هما اللي بيجمعوا الاشتراكات كل شهر من كل  
بيت بالكفر واللي مبيدفعش  
النينجا بتعمل معاه الواجب.. دول رجالة نينجا المفترى نينجا  
صح.. وقت الجد تلاقيهم رجالة  
ووقت الهزل تلاقيهم بخ.  
عفارم عليهم والله رجالة نينجا صح.. احنا هنتوكل على الله  
وهنعمل صندوق الإعانة بالحارة علشان  
لو حصلت مصيبه لأي بيت بالحارة يلاقوا اللي يعينهم على



بلوتهم محدش ضامن تقلب

الزمن والدنيا مش دايمة لحد.. يوم فوق ويوم تحت..  
هو دا الكلام يا كبيرة يسلم لسانك.. أنا عرفت ان عدلات عندها  
اجتماع مع ستات الحارة في بيت واحدة من ستات الحارة..  
والله وبتصرفي من دماغك يا عدلات وبتعملي اجتماعات  
والكبرة موجودة بالحارة مهو خلاص  
القيامة هتقوم يا ولاد.. مفيش احترام للكبرة همي يا نبوية بينا...  
على فين يا كبيرة؟..  
على الاجتماع يا عمدة كفر المفتري..



في إحدى الحجرات الصغيرة فوق أحد الأبنية جلسا يتحدثان  
إنه حمد وأخاه الصغير هاشم طالب كلية الطب  
الذي هرب من منزل أبيه الشيخ (سالم) البخيل ليكمل تعليمه .  
انت بتقول ايه يا حمد؟.. هربت من بيت ابوك انت اتجنت يا  
اخويا؟

اتجنت الله يسامحك يا هاشم.. مانت هربت انت کمان  
وخلصت من ابوك وبخله يعنى انت کمان مجنون؟..  
لا متقارنش نفسك بيا.. انا ماورييش عيال ولا زوجة ومسؤوليه  
أنا هربت بحالى يا حمد فرق كبير..



مفكرتش في زينب مراتك وعيالك ابوك هيعمل فيهم ايه؟؟  
يمكن قلبه يحن ويصرف عليهم.  
وهنا ضحك (هاشم) رغماً عنه:  
قلبه يحن هو مين دا؟... الشيخ سالم اللي بيموت على القرش يا  
حمد. يظهر إنك بتضحك على نفسك.  
وكذبت كذبه وعايذ تصدقها.. أبوك قلبه عمره ما بيحن غير  
للفلوس  
كل دا يا هاشم علشان بقولك اقعد معاك وادور على شغل..  
خلاص انا همشي وهريحك يا اخويا.  
عيب الكلام دا يا حمد انت اخويا الكبير واشيلك فوق راسي..  
بس صعبان عليا العيال  
وزينب ابوك يبهدلهم ويرميهم في الشارع.  
مش معقول يا هاشم ابوك يعمل كدة ويرمي زينب والعيال في  
الشارع.  
ابوك لو قدر يبيعهم هيبيعهم يا حمد.. ارجع يا خويا لمراتك  
وعيالك واقف لا بوك هو معندوش  
حد غيرك دلوقتي واشترط عليه يديك يوميه وبلاش شغل  
السخرة دا وبلقمتك عيب انت راجل طويل عريض.  
وياريتها لقمه عدله يا هاشم الا فول وطعميه لما حرق قلبنا

وقلب العيال.

ربنا يهديه يا حمد معلى استحمل علشان عيالك انت ملكش  
حد غيرهم وارجع لبيتك وعيالك  
واتكلم معاه جامد.

وهنا نظر (حمد) إلى أخيه الصغير طالب كليه الطب لقد انخفض  
وزنه كثيرًا وذبل لونه ووجه أصفر  
ومرهق من العمل مع المذاكرة، ولكنه يعترف في نفسه بأنه  
معجب به، وتمنى لو فعل مثله من سنين وقبل أن يتزوج  
من (زينب) وينجب كل هؤلاء الأطفال.. يا ليت هرب من أبيه  
ومن بخله من زمن...

وهنا قال (هاشم):

هتعمل ايه يا حمد ربنا يهديك يا اخويا؟  
ولكن (حمد) لم يرد على أخيه وأخذ يفكر فيما سيفعله..  
وهنا ابتسم (حمد) بمكر هامسًا:

انت اللى خلتنى اعمل كدة يا شيخ سالم.. وربنا يسامحنى بس  
هو اللي شايف وعالم بحالي.



## في شقة أم شوشو

كان اجتماع نسوة (حارة النبراشي) بعد احتراق بيت (أم إمام)  
جلست (عدلات) ترتدي ثوباً أسوداً  
فضفاضاً وطرحه سوداء وتربط رأسها بإيشارب أسود، فلقد  
كانت تشعر بالصداع والألم سيفجر دماغها.  
وكانت تخشى أن تعرف نسوة الحارة بموضوع عريس ابنتها من  
حارة الأعداء (حارة الغزول)  
ستصبح أضحوكة الحارة لسنوات، وستفقد هيبتها وزعامتها  
التي استمرت لسنواتٍ طويلة..  
كانت نسوة الحارة يجلسن يتحدثن، فقالت (فكيهه):  
سمعتم آخر أخبار حارة الغزول يا ستات؟  
فردوا بصوتٍ واحد:  
خير يا فكيهه حصل ايه؟؟  
نفوثة العموشه بتقول هتلقى تصریح على الحارة انهاردة.  
تصریح ايه دا يا فكيهه هي فاكهه نفسها رئيسة وزرا ولا ايه؟..  
ناري البنت دي عايزة تتربى.  
وبخصوص ايه يا فكيهه البصریح ده؟





النينجا اللي حماتك جيباهم معاها يا اختي داحنا ولا معسكرات  
الجيش واسرائيل الواحد مبقاش عارف يتحرك ولا ياخذ راحته في  
الحارة دي منعنا نعقد قدام البيوت نتهوى ونقرقز لب.

صدقتي يا ام حسين دول لامين العيال وييدربوهم على القتال  
تقولش هيدخلوا حرب.

خليهم يدربوا العيال علشان نبعثهم يخطفوا عيال حارة الغزول  
وينتقمنا من نفوثة وعيالها.

وهنا دخلت الكبيرة ومعاها حراسها الملثمين بالأسود وبجوارها  
نبوية عمدة (كفر المفترى ميقدرش عليه

الا القوي) وخلفها رجال النينجا الملثمين بملابسهم السوداء  
الفضفاضة الواسعة، فقالت الكبيرة:

وكمان هتعلموا عيالكم الخطف والسرقة بدل متحفظوهم قرآن  
ولا تعلموهم رياضة مفيدة

ويقولوا الجريمة انتشرت ليه؟.. علشان في ستات زيكم لسه  
عايشن في البلد بيخلفو ويرمو على الشارع.

وهنا أخذت النساء تصرخ بفزع:

يا لهوووووي الكبيرة...

«همي يا رثيفة ربطيلي الحريم دول بحبل غسيل».. وهنا

صرخت السيدات وقالت (عدلات) بفزع:







فقلت (عدلات) بغيط:

منك لله يا حنفي اشوف فيك يوم ...  
وبعد تربيط جميع النسوة من أيديهن بالحبال؛ ساروا في صفٍ  
واحد وكأنهن أسرى حرب وتم أسرهم  
من قبل الأعداء... كانت (رئيفة) تدفعهم بقوة وهي ترفع السلاح  
عاليًا مهددة..

\*\*\*



## في منتصف حارة النبراشي

وقفت نساء الحارة وأيديهم مربطة بحبل الغسيل صفوفًا،  
وجلست الكبيرة و(نبوية) عمدة (كفر المفتري) على المقاعد في  
مواجهتهن ..

ووقف رجال الحارة وأطفالها يشاهدون ما يحدث باستمتاع  
و حال بينهم وبين التدخل (نينجا كفر المفتري)  
فوقفوا لهم بأسلحتهم ..

وهنا قالت الكبيرة بصوت عالٍ:

يعني يا ست انتي وهي سايبين ولادكم وبيوتكم ورايحين تخطفوا  
العيال الصغيرة؟..

وهنا قاطعتها (نحمده):

دا كلام يا كبيرة وقت غضب.. واحنا هنروح نخطف بجد  
سامحيننا يا كبيرة الله يباركلك عندي عيال عايزة  
اربيها.

ولسه فاكرة عيالك يا نحمدو دلوقتي مانتى رمياهم فى الشارع  
 زي المساليب لاهدوم نضيفة لابسها  
 ولا بياكلو زين ودائرة مع الستات اللي دماغها فاضية.



وهنا قالت (عدلات):

لا يا كبيرة كدة كثير.. متقوليش علينا كدة دي (جمعية النبراشي)  
لحل المشكلات العائليه والخلافات الزوجية.  
وانا بتتك ومن لحملك زعيمته يا امي.. المفروض تقفي جنبي  
وتساندينني مش تقفي ضدي.

اقف جنبك يا بتي لما تكوني على حق مش على باطل وهروح  
من ربي فين يوم الحساب يا عدلات.. انا انهاردة عرفت إني  
معرفتش اربي يا عدلات.. وكمان بتحلي المشكلات طيب حلي  
مشكلة بتك الاول..

ومشكلة جوزك وحلي مشاكلك وبعدين حلي مشاكل الناس يا  
موكوسه .

هو حنفي السبب هو ولحافة الاحمر الله يسامحه.  
اخرسي يا بت حسابك معايا عسير.. وبعدها وقفت الكبيرة  
تاركة كل شيء وقالت لنبوية..  
اتصرفي يا عمدة كفر المفتري كيف ماكتني هتصرفي بالكفر مع  
الحريم.

وهنا ابتسمت (نبوية) وهي تنظر إلى عدلات زوجة ابنها الوحيد  
قائلة لرجال (النينجا):  
نينجا كفر المفترى اجمع هنا...





حتى أزواجهن خافوا التدخل من السلاح الموجه إلى رؤوسهم

...

كانوا يشعرون بالخوف وفي نفس الوقت بالفرح، فلقد خلصتهم  
(نبوية) من انشغال زوجاتهن عنهن وعن بيوتهن  
وأطفالهن بتلك الجمعية التي تدعوا إلى أن تكون المرأة أقوى  
من الرجل وشعارهم الغبي

« الست الفتوة تتشال في القلب من جوة »

فأخيرًا انتقمت لهم الكبيرة وعمدة الكفر، ولكنهم شعروا  
بالغضب بعد أن عرفوا بموضوع صندوق الإعانة  
التي فرضته عليهم، والعشرين جنيهاً التي الزمتهم بدفعها كل  
أول شهر لذلك الصندوق المزعوم..  
صندوق الإعانة...

\*\*\*

إنه صباح يوم الخميس

استيقظت كل النساء في بيت (الأسطى حنفي) من الفجر ليعدن  
طعام الغذاء للعريس وأهله.. إلا (عدلات) فلم تستيقظ بعد.  
فلقد تركت لها حماتها غرفة (نوسه) لتنام فيها هي وزوجها،  
وكانت تنام هي بغرفة نومها مع الكبيرة بعد أن تحسنت علاقتهما  
في الفترة الأخيرة،





طيب لمي الدور وقومي جهزي الغدا للضيوف خلي اليوم يعدي  
على خير.

حاضر حاضر يا خويا.. بس اياك يا حنفي تجيب سيرة الغويشه  
للكبيرة او مرات عمي العمدة.

خلاص يا عدلات مش هجيب سيرة قومي اخلاصي مش عاوزين  
مشاكل وكمان امي مسافرة بكرة وعازية تخلص من الموضوع.

يلا مع السلامة عقبال الكبيرة يارب لما تسافر.

بتقولي حاجة يا عدلات؟

لا أبداً يا حنفي يا حبيبي بقول هقوم اجهاز الغدا.. وخرجت  
عدلات مسرعة الى المطبخ..

وتركت (حنفي) يضحك بسخرية هامساً لنفسه:

انتي اللي عملتي فينا كدة يا عدلات كنتي سبتيني اتغطى باللحاف  
الاحمر

وهو احنا هنعيش كام مرة الله يسامحك.. هي ايام ونقابل وجه  
كريم وهي من امتى الدنيا بقيا

لحد منعيش ونستمتع باللي معانا.. لكن مين يفهم اهو فضلتي  
تحافظي عليه ومش عازية حد يلმسه

وجه حد تاني اتمتع بيه وبوظه...

وهنا سمع صراخ (عدلات) المتواصل، فضحك وهو يهز





## النهاية

وقفت (عدلات) تصرخ بهستريا وهي ترى النساء يخرجون  
أطباقها الصيني من النيش ويضعونها على الأرض، ويخرجون  
العديد من كاسات الماء التي تكنزها منذ زواجها ولم تخرج طبقاً  
صينياً واحداً أو كأس ماءٍ لتشرب فيه،  
فصرخت فيهن (عدلات):

يا لهووووووى بتعملي ايه؟.. انتي وهي بالصيني بتاعي  
وكاساتي ومين اذنلكم تفتحوا النيش!!؟  
فردت (رئيفة):

دي أوامر الكبيرة يا عدلات او مال هنحضر الاكل للضيوف في  
ايه؟..

يا لهوووي باطباقي الصيني ونيشي اللي محافظة عليه من اول ما  
اتجوزت وعمري ما استخدمت طبق يا كافره.. تيجوا تطلعوه انتم  
بكل سهوله علشان تحضروا فيه الاكل لناس من حارة الغزول من  
حارة الأعداء يا لهوي قلبي هيقف هموت يا ناس.  
وهنا ردت (نوسه) بغضب:







يومك اسود ومش بعيد تدخل تشوف اللي تحت المرتبة يا عدلات.  
وهنا نظرت له (عدلات) بغيطِ قائلة:

اسكت يا حنفي احسن لك وخلي اليوم يعدي على خير متبقاش  
زي إبليس وتخرّب.  
ف قالت (رئيفه):

«هو ايه دا اللي تحت المرتبة يا عدلات؟»...  
فردت (عدلات) بغيطِ وهي تنظر إلى زوجها:  
مفيش حاجة يا رئيفة دا حنفي بيهزر معاكي.. كملي يا اختي  
وخرجي باقي الصيني وفي طقم الشاي الاحمر نسيتى تخرجية.  
اه والنبي عندك حق او مال هنعمل الشاي في ايه بعد الغدا...  
لازم الناس تحبس.

وهنا خرج (حنفي) من الصالة، وهو يضحك بهستريا قائلاً  
بصوت عالٍ:

دا آخرة الاستخسار وكأن الواحد بيحوش حاجته ويستخسرها  
علشان غيره يجي يتهنى بيها ويستمتع.

وهنا ردت (عدلات) بغيطِ، وهي تصرخ فلقد سمعت صوت  
تهشم أحد أطباقها الصيني بعد أن سقط من يد (رئيفة):

والله عندك حق يا حنفي فعلا بقى انا اشيل واحوش  
واحافظ على حاجتي علشان الآخر يجي غيري يتهنى بيها يا



لهوووووووووووي...فسقطت عدلات فاقدة الوعي.



كانت الكبيرة تجلس أمام المنزل تشاهد تمرينات رجال (النينجا) بجلابيهم السوداء الواسعة ووجوههم المخيفة باستمتاع، وكثير من أطفال الحارة والحارات المجاورة يشاهدون المنظر باستمتاع ويحاولون تقليدهم .

وهنا خرج (حنفي) وهو يضحك بسخرية على زوجته:  
صباح الخير يا كبيرة انا رايح الورشه هتحتاجي مني حاجة؟  
لا يا ولدي بس متأخرش علشان تلحق تلبس هدوم نضيفه  
وتستقبل الناس.

حاضريا كبيرة من عنيا.. او مال العمدة فين؟  
 في مهمة يا ولدي سريه لما تعاود هقولها تعدي عليك في  
 الورشه.

مهمة سرية ايه يا حماتي؟!  
مهمة يا ولدي سرية مع افراد النينجا..  
افراد النينجا تقولش افراد المارينز..  
ذهب (حنفي) وهو يشعر بالحيرة من أمر أمه، فمند أن أتت إلى  
الحارة وهي تؤيد الكبيرة في كل شيء  
ولا ترفض لها طلب وهو الذي كان يتمنى أن تقف لحماته



وزوجته وتريهم، ولكنها وقفت ضده هو وأخذت لحافه وجعلته  
ينام على الأرض.. حتى يقضي على العتة...

\*\*\*





وهنا قال الأب بغضب:

اتصل يا صلاح بالشرطة تيجي تلمهم مهو كل دا بسبب امك الله  
يسامحها.

وهنا وقف صلاح ينظر إليهن بغضب، ثم قال بسخريه:  
لا يا بابا انا هتصل بالنينجا وعمدة كفر المفتري هما اللي  
هيقدروا عليهم لأننا لو اتصلنا بالبوليس  
هيبقى في سين وجيم وهنتأخر عن ميعادنا...

\*\*\*

وبعد قليل أتى رجال (نينجا المفتري) وفي مقدمتهم (نبوية)  
عمدة الكفر وقاموا بفك الحصار عن منزل الأستاذ (صلاح) وأخذ  
(نفوثة) وكل النسوة أسرى... ورهائن.

إلى حارة النبراشي... وهنا صرخت (نفوثة) بغضب:

هتندمي يا ام صلاح على كل دا.

وانا مالي ما انا قولتلك لمي نفسك يا نفوثة وانتي اللي صممتي.

دخل الجميع الحارة وكانت الكبيرة تجلس على كرسيها أمام

المنزل تشرب كوب الشاي ..

فأت (نبوية) قائلة:

كله تمام يا كبيرة حررنا الأسرى وأخذنا الستات دي رهائن...

فكي يا نبوية الستات دي عيب دول ضيوف حارة النبراشي



وكلهم معزومين على الغدا.

غدا بعد الضرب اللي أخذناه يا كبيرة!

ما انتي يا نفوثة يا بتي اللي ركبتي راسك ومرضتيش تسيبي  
الأستاذ صلاح يمر.

طیب خلاص سیبونا نروح.

لا.. تتغدوا الاول وتسمعوا مني كلمتين.

كلمتين ثاني مش كفايه اللي أخذناه على قفانا يا حاجة.

لا يا بتي متخافيش محدش هيضربكم انتم أخذتوا نصيبكم من  
الضرب والحق حق يا نفوثة...

الله يرحم امك (الباتعة) كانت غالية عليا كثير وست أصيلة  
كانت تيجي تزورني اول متعرف  
اني وصلت من الصعيد.

الله يرحمها يا كبيرة دي كانت بتيجي خايفة مش حب فيكي ولا حاجة لتكوني فاهمة غلط.

بتقولی حاجة یا نفوثة؟

لا يا كبيرة بس والله محد قالي انك منورة حارة النبراشي والبلد  
كلها مكنتش استجريت وعملت  
اللي عملته.

حصل خير يا بنت الغالية يلا هموا على الغدا الوكل هيبرد ..

وهنا نظرت (نفوثة) بخوفٍ ووضعت يدها على رأسها، وذهبت  
وهي تدعو الله أن يكون الغداء خفيفاً.

.....

وفي داخل المنزل صرخت (عدلات) بغضب:  
ايه يا كبيرة عايزة نفوثة العموشه تتغدا عندي ألد أعدائي يا  
لهوووووي؟

اخرسي يا بت وقومي حطي الغدا للناس.  
انا لو جاللي شلل الأطفال هتكوني انتي السبب يا كبيرة.  
وهنا ضحكت الكبيرة:

شلل الأطفال يا جاهلة بيجي للصغار انتي هيجيلك الشلل  
الرعاش.

«دي آخرتها يا كبيرة الشلل الرعاش ماشي..».. ورحلت  
(عدلات) وهي تدعو على زوجها، فكل ما يحدث لها بسبب لحافه  
الأحمر الفير:  
منك لله يا حنفي .

\*\*\*

سمعاني يا نفوثة وفاهمة كلامي زين... يا بتي.  
ايوة يا ست العمدة بس مش فاهمه يعني صندوق الإعانة دا  
للعجزة والمشلولين؟



عجزة ايه ومشلولين ايه يا مخبولة.

دا هيبقى للطوارئ لو حد حصله حاجة في الحارة حد مات  
وساب اطفال صغار حد مريض

محتاج علاج.. حد بيته اتحرق كيف الحاج زكي بحارة  
النبراشي.. أي مصيبه تحصل لأي حد هتفتحي

الصندوق وهتدي صاحب المصيبه منه وكل بيت لازم يدفع  
اشتراك ثانوي عشرين جنيه.

والله يا ست العمدة انتي دماغك كبيرة وبتفكري والصندوق دا  
هيخلينا نقف

جنب بعض وقت الشدة دا السنه اللي فاتت عم أمين الفران مات  
وكان محتاج يركب جهاز للقلب

بس مكنش معاه فلوس ومحدث رضي يلمله أصل الجهاز كان  
غالي ياريتك كنتي قولتي الفكرة

من زمن كنا لحقناه قبل عزرائيل.

دا عمر يا بتي ومقدر ومحدث بيهرب من أجله واللي مكتوبله .  
 ماشي يا ست العمدة انا موافقة بس افرض اهالي الحارة  
 مرضيوش ما انتي عارفة الدنيا والغلا اللي احنا فيه.

لا يا نفوثة مفيش حاجة اسمها مقدروش دول عشرين جنيه مش  
عشرين الف مش مكملين باكوين باسكوت وكيس شيبسي لعيل





صغير.

صدقت يا ست العمدة والله.

وانتي مهمتك جمع الفلوس بالعافية من الحارة والمحافضة على  
الصندوق زي عنكي دي امانة يا بتي هتتحاسبي عليها امام وجه  
كريم ..

\*\*\*





ہموت یا ام ہاشم ہموت.

انت اللي عامل في نفسك كدة مخلص اللي حصل حصل يا شيخ سالم.

لا مش هرضى فلوسي وتعبي يروحوا كدة على الارض.  
يا راجل حرام عليك هما راحوا على الارض دي مرات ابنك  
وعياله.

«فلوسي هموت..» وهنا رن جرس الباب، فقامت الزوجة لتفتح

فوجدته أحد رجال (النينجا) ويطلب باشتراك قيمة صندوق  
الإعانة ٢٠ ج

فذهبت إلى الشيخ (سالم) في حجرته:

شيخ سالم عاوزين ٢٠ ج لصندوق الإعانة.

٢٠ كوبه لما تاكلك يا بعيدة انتي عايزة تخلصي مني... وإعانة  
مين دانا اللي محتاج إعانة.



طيب روح قول الكلام دا للنينجا اللي واقفين برا.  
النينجا خدي خدي العشرين جنية انا راجل صاحب مرض  
ومش ناقص الهي تقع منهم يارب والاقيةا.  
أخذت الزوجة ٢٠ جنيهاً وهي تضحك بسخرية وشماته في  
زوجها البخيل.

\*\*\*





وهنا نظر صلاح بذهولٍ إلى (الأسطى حنفي) الذي فتح فمه  
بعدم فهم ونظر إلى زوجته (عدلات)  
التي احولت عيناها وفتحت فمها...  
فقال صلاح:

جامعة ايه انا مش فارق معايا الحاجات دي يا كبيرة.  
بس احنا يا ولدي تفرق معانا.  
فحاول (حنفي) التحدث والرد والرفض ولكن (نبوية) أخرسته  
قائلة:

ايوة يا ولدي دا شرطنا لازم بتتنا متحشش في يوم انك بتستقل  
بيها او بتهينها.. لازم تكون جامعية زيها زيك يا ولدي ودا شرطنا  
وعلام بنت ولدي لغاية متخرج على حسابي كل المصروفات لغاية  
٣٠٠ الف جنية.

وهنا نظر (صلاح) إلى أبيه الذي هز رأسه بالموافقة.  
فقال (صلاح) بقلق:  
بس هنستنى كل دا يا كبيرة أربع سنين كتير او ووى.  
هيعدوا اوام نعمل خطوبة وبعد الدراسة كتب الكتاب والفرح.  
طيب نتجوز وتكمل في بيتي يا حاجة.  
لا يا ولدي صاحب البالين كداب لا هتعرف تكمل دراسة ولا  
هتعرف تاخد بالها من بيتها وبعدين البنت لسه صغيرة...





خلاص موافق يا كبيرة علشان خاطر عيون نوسه.  
زعرطي يا رئية...

وهنا نظرت (عدلات) بغيظ، ولم تنطق ولكنها كانت تدعو على  
زوجها في سرها، فكل هذا بسبب لحافه الأحمر.

\*\*\*

## بعد منتصف الليل بدقائق

دخل هو الحارة يتسحب يرتدي (تشرت) أسود اللون وبنطالاً  
أسود ويخفي وجهه بـ (شال) أسود  
وسكيناً في ملابسه.. لم يره أحد دخل على أحد المنازل...  
وتسلل إلى أن دخل المنزل من أحد نوافذه..  
دخل اللص المنزل ولكن رجال (النينجا) قد رأته.. فدخلوا  
خلفه..

كان منزل الشيخ (سالم)..  
دخل اللص غرفة الشيخ (سالم)... وكان نائماً في فراشه، ورفع  
سكينه عاليًا وهم بضربه في بطنه، ولكنهم أوقفوه في آخر لحظةٍ  
وأمسكوا بيده وبسلاحه..  
استيقظ الشيخ (سالم) بذعرٍ، وهو يرى كل ذلك السواد فوق  
رأسه.... فصرخ بخوف:  
فيه ايه انا معملتش حاجة خدوا الخمسة جنيه إلا ربع اللي حيلتي  
وسيبيوني اعيش.

فرد أحد رجال (النينجا):  
نام يا شيخ (سالم) وخلي الخمسة جنيه الا ربع تدفيك.. دا







صرخت الأم بلوعة:

حمد ولدي بين الحياة والموت.. منك لله يا شيخ سالم على  
اللي عملته في عيالك ربنا يا خدك ونرتاح.  
فقلت الكبيرة:

كفاية يا ام حمد الكلام مفيش منه فايده وهموا نشوف حمد  
ونظمن عليه الاول.

نبلغ العسكر يا كبيرة؟

لا يا ولدي ملوش لزوم وانت يا شيخ سالم قولي هتعملك ايه  
الفلوس لما تقابل وجه كريم؟..

هتخذها معاك القبر لا هتنفك ولا هتخذها معاك مهتأخذ إلا  
عملك الصالح وسيرتك يا شيخ سالم..  
الله يهديك.

وهنا زفرت (نبوية) بغضب:

والله القيامة هتقوم بقى الولد يقتل ابوه.. بس الواد لازم يتعاقب  
يا كبيرة.

هيتعاقب يا نبوية بس مش وقته لما نظمن على حمد الاول يا  
عمدة.

وأسرع الجميع إلى المستشفى... وكان (حمد) هناك محجوزاً  
بقسم الطوارئ بين الحياة والموت.



اقترب الشيخ (سالم) يبكي وهو يردد:  
سامحنى يا بني ارجوك يا حمد سامحنى ومتموتش دانت يا بني  
الحنين عليا وبتحبني غير اخواتك.  
وهنا فتح عينيه ببطء، وهو يبتسم ولم ينطق:  
فأكمل الأب:  
قوم يا حمد يا بني وهعملك اللي انت عاوزه.. عاوز يوميه خد  
عاوز المحل كله خده بس عيش يا بني.  
فقالت الأم:  
دلوقت جي تقول كدة بعد مضيعته.. ابني لو مات يبقى انت اللي  
قتلته يا سالم انت فاهم وهقتلك.  
خلاص يا ام حمد ادعوله يبقى بخير وان شاء الله هيقوم ويبقى  
زي الفل.  
يارب يا كبيرة يارب.

\*\*\*

وبعد عدة أيام خرج (حمد) من المستشفى إلى منزله وإلى  
عمله مع أبيه، فلقد سلمه المحل لديره هو، وجلس الشيخ (سالم)  
ليستريح بالمنزل..  
بعد أن أصيب بالشلل، فلم يتحمل أن يعطي ابنه المحل ليعمل  
به، فأصابه شلل رباعي،

وجلس على كرسي متحرك،  
وعاد هاشم وأخيه ليعيشا مع أمهما وأبيهما... بالمنزل ...

\*\*\*

وعادت الكبيرة إلى الصعيد بعد أن سلمت (عدلات) مفتاح  
صندوق الإعانة وكلفتها بمسؤولية جمع الاشتراك،  
وعمل سجل اجتماعي لأهالي الحارة، وتعرف المحتاجين  
منهم لمساعدتهم كل شهر...  
وفرشت (عدلات) مفرشها الأحمر على السرير ولحافها القطن  
الأحمر...

وقررت بأنها لن تتغذى بشيء آخر غيره حتى في عز الحر  
ستتغذى به...

وسوف تستخدم باقي أطباقها الصيني وتأكل فيها بعد أن كسرت  
وتحطم نصفها يوم العزومة ..

وتركت الكبيرة اللحاف الفير لـ (حنفي) والذي لم يعجبه،  
فباعه بنصف سعره لأحد أصحابه...

فلقد كان اللحاف القطن أفضل منه بكثير... ويدفع أكثر.....  
وعلى رأي أمها الكبيرة:  
يدفي زين.

\*\*\*







بأشياءك غيرك التي عشت حياتك  
تحافظ عليها ولم تجرؤ يوماً على لمسها.. فلم يحن أجلها  
لتكسر أو تتلف...  
حب نفسك ولا تبخل عليها بشيء.. انفق أموالك على نفسك  
ولا تكنزها..  
اعمل لآخرتك واعمل لنفسك  
صدقة جارية، فلن يفعل أحد لك شيئاً إن رحلت سيأخذون ما  
كنت تملكه ويستمتعون به  
وسينشغلون بحياتهم وأطفالهم وسيتناسون أمرك  
ثق في ذلك... فهذه هي الحياة ..

**د . منى حارس محمد**


**٢٠١٧ | ٦ | ٤**





# عدالة 9

## خبرامكة اللخاف



إن كنت من الشخصيات التي تحب شراء الأشياء  
ولكن لا تحب استعمالها  
خوفا عليها من الخدش من الكسر وربما التلف  
فتكنزها في المنزل لأجل غير مسمى  
فلا تحب من أحد الاقتراب من ممتلكاتك  
أو لمسها وكأنها منطقة عسكرية محظورة  
فممنوع الاقتراب أو التصوير  
فستصدك الرواية وربما أصابك بأزمة قلبية  
فأنصحك بالابتعاد من البداية

تصميم الغلاف : هناء محمود

د. منى حارس

تخرجت من كلية الطب البيطري جامعة الإسكندرية  
وحاصلة على دبلومة ميكروبيولوجي جامعة القاهرة  
من مؤلفات الكاتبة في أدب الرعب :  
" لعنة الضريح - قرين الظلام - متجر العجائز -  
رسائل من الجحيم - لعنة الأرواح "

